



सानसेयारि 'बड'सा' श्रीरालाइयाव अमाज्यारि जिज्जो लोब्बा थानाय रायथाय, बन्ध्याय, अल', अल'बाथा आरु दावबायारि थावनि, पार्क बाइदिनि सायाव लिन्नाय लिन्बिदां दैथाय ठर/ सानसेयारि 'बड'सा' श्रीरालाइया सेवस्रानावै फोस्वावगोन/

बड'सायाव लिन्हरनायनि हुबा अलाम, 'बड'सा' श्री नोथां, जो बयबो आंगो अलाम/

सानसेयारि 'बड'सा मावखुलि

माइबं नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com

BODOSA ★ A Bodo News Daily ★ Friday ★ 14 February, 2025 Kokrajhar, BTC, Assam ★ Vol.- 33, Issue No. 315 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

## राइज्यो बेंगिरिआ बुसु डिमा फेस्टिभेलआव बाहागो लाहैदों भदेश्वर बड' स्पर्टस कमप्लेक्सखौ राइज्यो बेंगिरिआ बेखेवदों

गुवाहाटी, 13 फेब्रुवारि: आसामनि राइज्यो बेंगिरि लक्ष्मन प्रसाद आचार्यआ मैयानिफ्राय जागानाने सान्नेनि हाबाफारिजों डिमा हासाव जिल्ला दावबायहैदों। 12 फेब्रुवारि अक्ट गिबि सानखालि राइज्यो बेंगिरि आचार्यआ डिमा हासाव जिल्लानि माखासे गामियारि ओन्सोलफोराव दावबायहैदोने सरकारि बिथांखिफोर मावफुनाय आरो सरकारि बिथांखिफोरनि मुलाम्फा मोन्नाय, मोने आयदानि सायाव



गामियारिफोरजों सावरायनायनि उनाव दिने नैथि सानावबो राइज्यो बेंगिरिया डिमा हासावनि माइबं डिग्री कलेजआव खुनाय बुसु डिमा फेस्टिभेलआव बाहागो लादों। हाबाफारियाव बाहागो लानाने राइज्यो बेंगिरि आचार्यआ गार्वनि बिबुंथियाव बुंदोंदि, बुसु डिमा फेस्टिभेलआ मोनसे आबादारि फालिथाइल' नडा, बेयो जॉनि हारिमु, दोरोडारि आरो समाजआरि खौसेथिनि मोनसे नेसोंन। बे (□ 6 बिलाइआव)

## बड'लेन्ड मुलुग सोलॉसालिआव जोहोलाव निलेश्वर ब्रह्म अडिटरियाम हल सा 1200 सुबुंफोरजिरायनो हानाय बे अडिटरियामखौ बिटिआर गाहाइ प्रमद बर'आ बेखेवबाय



कक्राझार, 13 फेब्रुवारि: बिटिआर ओन्सोलनि गंसेल' गोजौ सोलॉथाय फसंथान बड'लेन्ड मुलुग सोलॉसालिनि लांगोनाआव गोदाने गायसन जानाय गंसे जौगा मान थाखोनि अडिटरियाम हलखौ दिने मोनसे मेहेर गोनां

हाबाफारिनि गेजेरजों बेखेवनाय जायो। जोहोलाव निलेश्वर ब्रह्मनि मुडै लुफुनाय बे जौगा मान थाखोनि अडिटरियाम हलखौ दिने बिटिआरनि गाहाइ खुंगिरि प्रमद बर'आ बेखेवनाने होयो। मख'नो (□ 6 बिलाइआव)

## गिबि मन्थिआ गावनि सिंगापुर दावबायनायखौ फोजोब्बाय

### जोबथा सानाव आसामनि जोथोन लाप्राफोरजों लोगो हमदों



दिसपुर, 13 फेब्रुवारि: थानाय माखासे सप्ताह सिगांनिफ्राय एडभान्टेज आसाम 2.0 खुंनो थांखि लानायनि बाहागो महैरे राइज्योआव गुबुन हादतफोरनि फालांगिरि

दारिमिनगिरिफोरखौ रं बाहायफैनायनि फारसे गोसो बोहोनी थाखाय आसामनि गिबि मन्थि ७ हिमन्त विश्व शर्माआ गुबुन गुबुन (□ 6 बिलाइआव)

## एडभान्टेज आसाम 2.0 खुंजानायनि सिगां राइज्योआव 8 रोजा झुमुर मोसागिरिफोरजों मुलुगनां रेकर्ड आरजिगोन



गुवाहाटी, 13 फेब्रुवारि: एडभान्टेज आसाम 2.0 हाबाफारि खुंजानायनि सिगां फैगौ 24 फेब्रुवारिखालि आसामाव सा 8 रोजा मोसागिरिफोर झुमुर मोसानाय दिन्थिफुनायनि गेजेरजों मोनसे हारिमुआरि जारिमिन सोरजिनो (□ 6 बिलाइआव)

## कारिगावआव बिर्शा मुन्दा हारिमुआरि मिरु लुफुनायनि अन्थाइ खाम्फा गायसनबाय

कक्राझार, 13 फेब्रुवारि: थानाय 2020 माइथायनि 27 जानुवारियाव जालानाय बिटिआर गोजोन गोरोबथानि मोनसे दफा बादिथै बिटिआरनि सिडाव थानाय आदिबासि हारिनि हारिमुआरि सरैखाथि आरो जौगाहोनायनि थाखाय बिर्शा मुन्दानि मुडाव फसंथान लुफुनायनि रादाय बादिथै कक्राझारनि कारिगावआव बिर्शा मुन्दा हारिमुआरि मिरु लुफुनायनि खामानिया जागायबाय। कक्राझार जिल्लानि खोला कारिगावआव



10 कौटि रंजों लुफु जानो गोनां बिर्शा मुन्दा हारिमुआरि मिरु लुफुनायनि अन्थाइ खाम्फाखौ गायसनाने होयो बिटिआरनि

भवानिपुर, 13 फेब्रुवारि: बाक्सा जिल्लानि केशब नोगोर ओन्सोलनि थागिबि सुबुंफोरनि थाखाय गोजेन्थाव खौरं। 2 कौटि रं बाहायनाने केशब

रांखान्थि बोसोरनि समाव बिटिसिनि थाखाय आसाम सरकारि डब्लिउपिटि बिफाननि मन्थि जानाय समाव गावनि फान्डनिफ्राय बाक्सा जिल्लानि देरहानायनि उनाव 2021-22 22 नं. ककलाबारि बियाबनि

## फ्रान्स दावबायनायखौ फोजोबनाने गाहाइ मन्थि मदिआ आमेरिका सौहैबाय

### हादतगिरि डनाल्ड ट्राम्पजों मडिआ ह्वाइट हाउसनि अभाल मावखुलियाव लोगो हमज्जायगोन

वाशिंंगटन, 12 फेब्रुवारि: गाहाइ मन्थि नरेन्द्र मदिआ फ्रान्स दावबायनायखौ फोजोबनाने दिने आमेरिकासिम दावबाय लाडे। गाहाइ मन्थि मदिआ दिने आमेरिकानि वाशिंंगटन सौहैनायनि उनावनो ट्राम्पनि मन्थि आफादनि सोद्रोमाफोरजों लोगो हमज्जायो आरो आमेरिकानि सम बादिथै बृहस्पतिवारनि मोनाबिलि समआव मदिआ हादतगिरि ट्राम्पजों ह्वाइट हाउसनि अभाल मावखुलियाव लोगो हमज्जायो।

आमेरिकानि हादतगिरि महैरे ट्राम्पनि गिबि मावबुलिआव 2019 माइथायनि सेप्टेम्बर दानाव टेक्सासनि हिउस्टनआव खुनाय जादोंमोन 'हाउडि मदि'। बेनि बोसोरसे उन 2020 माइथायाव गुजरातआव खुनाय 'नमस्ते ट्राम्प' हाबाफारिआव बाहागो लाफेदोंमोन बे समनि हादतगिरि डनाल्ड ट्राम्पआ। नाथाय बावैसो सिगां आमेरिकायाव आइन बेरखायै थाहैनायखौ लानाने जेना नुजाफैनाय (□ 6 बिलाइआव)

## राइज्योनि माखासे जिल्लाफोराव जुब-जुब अखाजों लोगोसे सारअन्थाय गोरलैगोन, बोथेर बिफाननि सांग्रांथि

गुवाहाटी, 13 फेब्रुवारि: बोथेर सोलायनाय फैनायजों लोगोसे थानाय हरआव राइज्योनि दाब-दाब ओन्सोल आरो जिल्लाफोराव जुब-जुब अखा हानाय, बारहुंखा आरो सारअन्थाय गोरलैनायजों न'बां, बिफां-लाइफां बायनाने गोबांथार खहा खालाम लादों। जायगा-जायगा आबादफोरबो (□ 6 बिलाइआव)

## थिंकुबारि गुदि फरायसालिनि हिराथि फोर्बोनि गाहाइ खुन्थिया गायसन्दों

### बिटिसिनि मावफुं सोद्रोमा साइखं वसुमतारिआ गावनि धोनजों लुफुंगोन गेटखौ

बड'सा थान्दै, बासुगाव, 13 फेब्रुवारि: चिरां जिल्लानि 226 नं थिंकुबारि गुदि फरायसालिनि हिराथि फोर्बो खुनायनि गेट लुनायनि गाहाइ खुन्थियाखौ दिने गायसनो बिटिसिनि मावफुं सोद्रोमा साइखं वसुमतारिआ। मोनसे हाबाफारिनि गेजेरजों हिराथि फोर्बो खुंफुं आफादनि आफादगिरि निलुराम राय, नेहाथारि कृष्णकान्त राय, फरायसालि सामब्लाय आफादनि आफादगिरि सत्यजित रायमोननि बाहागो लानायजों गाहाइ खुन्थिया (□ 6 बिलाइआव)



## मुसलपुरआव बिपिएफ दोलोनि जयनिं हाबाफारि

### इउपिपिएल, जिएसपि दोलोनि सा 35 नि बांसिन सोद्रोमा-मावथिफोरा बिपिएफ दोलोआव जयनिं जादों

मुसलपुर, 13 फेब्रुवारि: बाक्सा जिल्लानि सदर मुसलपुरआव थानाय जिल्ला बिपिएफनि मावख'आव मैया मोनसे जयनिं हाबाफारिया जानाने थाडे। मुसलपुर जिल्ला बिपिएफनि लोगो आफादगिरि गिरिनि बर'नि मेल सामलायनाय बे जयनिं हाबाफारियाव इउपिपिएल आरो जिएसपि दोलोनि सा 35 निबो बांसिन (□ 6 बिलाइआव)






## सुजुगिरिनि खोलोम

### दोलो नागारनायनि दोहौ

दासान्दि जॉनि बड'लेन्ड हालामाव फेगो बिटिसि बिसायख 'थिखो लानानै दानिफ्रायनो ओन्सोलनि दोलोफोरा साखा-फारा जानानै दोलोखो गोखो खालामनो नांथाबदो। माखासे दोलोफोरा बिजाथिनि आर'जलाइ आजावनायसिम सिगांनायखौबो नुनो मोन्नाय जादो। मेल-मिर्ति आरे जइनि हाबाफारिखौ नोजोराव गोर्लेयोव्ला बिसायख 'थिया माखासे साननि गेजेरावनो खुंजासिगोन बादिबो सान्नांगो जायो। फेगो बिसायख 'थिनि दोहोयानो दासान्दि बिटिआर हालामाव दोलो नागारनायनि दोहो आरे जइनि होगो-दोगो जालायनाय थासारि फेनायखौ नुनो मोन्नाय जादो। थांनाय बिधान सभानि उफ्रा बिसायख 'थिनि उन-सिगांनायफ्रायनो बिटिआर हालामाव ओन्सोलारि दोलो बिपिएफनिफ्राय दोलो नागारनायने गुबुन मोनसे ओन्सोलारि दोलो इउपिएफनिआव हाबफेनायनि आन्थोर दिनेसिम सोलिबाय थानायखौ नुनो मोन्नाय जादो। मोनसे समआव गोखो होन्नाय सानजानाय बिपिएफ दोलोनि गागि आरे गोखो दैदेनगिरि होन्नाय मिबथि जानाय आथिखालनि आसाम बिधान सभानि बुंथिगिरि आरे रइज्यो सभानि सिगांनि एमपि बिश्वजित दैमारिनिफ्राय लानानै रइज्योनि खेवथाम केबिनेट मन्थि जानाय चन्दन ब्रह्मनि उनाव आरेबाव बावैसो बिटिसिनि आगु लेहाइ गाहाइ मावफु सोद्रोमा आरे बिपिएफनि लेछइ आफादगिरि महेर बिबान सामलाय बोनाय खाम्फा बरगयारिमोनहा सासेनि उनाव सासे फारि-फारियै दोलो नागारनायने सोलिफु समाव गोखो महेर मोन्नाय इउपिएफनि दोलोआव जइन जाफेनाय थासारि नुनो मोन्नाय जादो। नोजोराव गोर्लेनाय बादिबेव्ला गागि आरे दोलो दाफुगिरि महेर गोहोम गोना दैदेनगिरिफोरा दोलो नागारनायने थांनाय बिपिएफ दोलोआव खहा फेखागोन, दोलोनि बिथाया सेबलांगोन। बे थासारिया बिपिएफनि थाखाय दुबु नांथाय, नाथाय गनायनो बाथावव्लाबो बेयो थार सैथो। गोबांथार गोर्जे सारिनि दैदेनगिरिफोर, बिबानगिरिफोर आरे अन्सायगिरिफोर बिपिएफ नागारनायने गुबुन दोलोआव जइन जाहैनाय बादिनो इउपिएफनि गोबां सोद्रोमा आरे मदतगिरिफोराबो बिपिएफआव जइन जाहैनायनि दाबि खालामनायबो नुनो मोन्नाय जादो। बे दाबिनिफ्राय बेखोनो मिबथिनो मोनो- मोनैबो दोलोनिक्राय थांलाय-फेलाय जानाय एबा मोनैबो दोलोआवनो नागारनाय-जइनि जाफेलायनाया सोलिबाय थादो। बेनि गेजेरावबो रइजो-रजानि नोजोराव गेवलाइ नुजासासनाय बादिबै दोलो नागारनाय बिपिएफखौ बांसिन खहा जानांनयखौ सावरायनाय नुनो मोनो। मानोना इउपिएफनिफ्राय दासिम गोर्जे सारिनि दैदेनगिरिफोर दोलो नागारनायने गुबुनाय थांनायखौ नोजोराव गोर्लेयाखे। बेनि सोलायै बिपिएफनि माखासे सिगां सारिनि दैदेनगिरिफोर दोलो नागारनायने गुबुन गुबुन दोलोफोराव थाडलासेनो ओन्सोलारि दोलो इउपिएफनिआव जइन जाफेनायने बिटिआर हालामनि फारफोमबो बिथिनि जौगानायनि हाबा मावनो आरे बेनि रइजो-राजा सुबुंफोरखौ सिबिनायनि थांखियै इउपिएफनि दैदेनगिरिफोरखौ आखाइ हम्फेनायखौ नुनो मोन्नाय जादो।

मोनसेनिफ्राय गुबुन मोनसेआव जइनि जालायनायनि सोलिफु थासारिया बिटिसि बिसायख 'थि खुंजासिम मावादि महेर लाहेगोन बेखो बुंनो हानांगोया गोत्राव, बेनि थि फिन्नायखौ समआसो मिबथि होसिगोन। राजखांथियाय जाथावै गैया होन्नाय बादिनो जइनि जानाय, दोलो नागारनाय, गोखोसिन होन्नाय गावखौ दाबिनाय, बिटिसिनि खुंथाय गोहोआव फेनाय, गावजो-गाव सांखारिलायनाय जायो। बे रोखोम थासारिया बर'फोरनि गेजेरावल' सोलिया, गुबुन गुबुन ओन्सोल, रइज्योफोरावबो बिसायख 'थिनि सम फेयोव्ला बिब्दि थासारिखौ नुनो मोन्नाय जायो। दैदेनगिरिफोर राजखांथिखौ लानानै बेरेखा दोलोनि हाबा-हुखाखौ गावसोरनि मुलाम्फानि थाखाय सानसे गात्रि होन्नाय बुडोव्लाबो अखानायनो जोबोदो मोजां होन्नाय बाखानायनाय राजखांथि गेलेनाय जॉनि हादतआव गोबां नुनो मोन्नाय जायो। बेखायनो राजखांथिखौ समाजआरि जिउनिफ्राय आलादा लाखियोव्ला राजखांथिनि दावराव-दावसिया समाजनि गेजेराव फेगोनखौ नुहर। राजखांथि दोलो आरे दैदेनगिरिफोरा सोलाय-सोल' जालांबाय थायो, दिने मोनसेया गोहोयाव फेयोव्ला गाबोन गुबुन मोनसेयाबो खुंथाय गोहोयाव फेगोन, बेनो राजखांथि। नाथाय रइजो-राजा सुबुंफोरा सानायाव-मदतआव गुबुन गुबुन जायोव्लाबो समाजआव गोरोबनानै थाफिनांगो जायो, बेयाय राजखांथिनि गोहोम नुजाया।

## सनानि बेसेनखौ थांनाय माखासे सानाव गोबां बांनाय नुनो मोन्दो



**गोदान दिल्ली, 13 फेब्रुवारी:** थांनाय माखासे सानाव सनानि बेसेनखौ जोबोद बांनाय नुनो मोन्दो। अदेबानि बुधबारखालि सनानि बेसेनखौ दावखलायनाय नुनो मोन्दो। बुधबारखालि राजथावनि दिल्लीनि सर्गफा बाजारव 99.9 जौखोन्दो पियर सनानि बेसेना 340 रं दावखलायनायने मोनफ्रोम 10 ग्रामाव 87,960 रंसिम सौहैयो। बेजो लोगोसेनो 99.5 जौखोन्दो पियर सनानि बेसेनाबो 340 रं खमायनायने मोनफ्रोम 10 ग्रामाव 87,560 रं जादो। मख'नो गोनादि, मंगलबारखालि 99.9 जौखोन्दो पियर सनानि बेसेना मोनफ्रोम 10 ग्रामाव 88,300 रंमोन। सनानि बेसेन बांनाया सरसनसा इन्भेस्ट खालामग्रा आरे बायग्राफोरनि जेनाखौ बांहोदो। बेनिखुइ देरिसन जेनानि बाश्राया बेनोदि, सना बायग्रा सुबुंफोर आथिखालाव बांनाय बेसेननि हिसाबै जिएसटि आरे मेकिं चार्जखौबो होनांगोन। अदेबानि 80,000 रंनि दांसे सनानि चेन बायोव्ला, बेयाव 15 जौखोन्दो मेकिं चार्ज थायो। अब्ला नांथांमोनहा सनानि बेसेनखौ 80,000 रं, मेकिंनि 12,000 रं आरे 3 जौखोन्दो जिएसटिनि महरव 2400 रं होनांगोन। जायजो 80,000 रंनि चेनआ गासै 94,400 रं जाहैगोन। बे बाश्रानि सायाव नोजोर लाखिनांगोनिदि जैरेनो सनानि बेसेना बांगोन एसेबांनो मेकिं चार्ज आरे जिएसटिनि गासै चार्जआबो बे गोखेजोने बांलांबाय थागोन।

## नासारी आरे गुदि फरायसालिफोरनि भवनआ जायगानि आइन बायदियै जानांगो : सुप्रिम कर्ट

**गोदान दिल्ली, 13 फेब्रुवारी :** सुप्रिम कर्टआ रोखा खालामदोदि, हादतआव नासारी आरे गुदि फरायसालिफोरखौ ओरेबायदि न'आव खुलिनांगो, जाय न'आ आइन बायदियै लुनाय। सुप्रिम कर्टआव जास्टिस बि.आर. गवाइ आरे आगस्टीन जार्ज मसिहनि बेन्सआ सिबिएसइनि आर'जलाइनि सायाव हियारिनि समाव बिथोन पास खालामबाय। सिबिएसइआ हाइकर्टनि 13 एप्रिल 2009 नि थांखियाव फोसावनाय बिथोनफोरखौ लानानै खौरां



बिदो। गावनि 2009 नि थांखियाव सुप्रिम कर्टआ मोनसे बिथोन होदोमोन। बे बिथोननि बायदिव्ला, नासारी आरे गुदि फरायसालिफोरखौ से थाला न' एबा भवनआव सोलों थाइ

## मिज 'रामआव भिसियाव 71 जौखोन्दो आरे एलसि बिसायख 'थियाव 64 जौखोन्दो भट होनायखौ दिखानो मोन्दो

**आइजल, 13 फेब्रुवारी:** मिज 'रामनि ग्राम परिषद (भिसि) बिसायख 'थियाव 4.4 लाखनिखुइ बांसिन भटारफोरनि गेजेराव 71 जौखोन्दोआ भट होदो आरे बुधबारखालि जानाय जायगायारि परिषद (एलसि) बिसायख 'थिफोराव 64 जौखोन्दो भट होनायखौ दिखानो मोन्नाय जादो होना सासे बिबानगिरिया बुडो। मोनै शहरनि जायगानि आफादफोरनि सिडव मोन 110 एलसि आरे मोनै जिल्लाफोराव मोन्थाम स्वायत जिल्ला परिषदफोरखौ नागारनायने मोन 9 जिल्लाफोराव 534 भिसिनि थाखाय भटआ गोर्जेने जोबना थाडो। बेनि रिपट फेजासिमाव भट होग्राफोरनि जौखोन्दोआ बांनो हागो। भटनि समाव जेबो आयेनारि-बेबस्थानि आयदा एबा टेक्निकनि जेना जायाखैमोन, जाय बुधबारखालि बेलासिनि 4:00 रिगायाव जोबना थाडो। मोन 9 जिल्लाफोराव 544 भिसि आरे एमसि आरे एलएमसिनि सिडव मोन 111



एलसि दड। बिबानगिरिनि बुंनाय बायदिव्ला, 544 भिसि आरे 111 एलसिनि गेजेराव खोला मिज 'रामनि लुंलेइ जिल्लायवा सा 3 सोद्रोमायारि लालनुइ भिसि आरे एमसिनि सिडव सा 7 सोद्रोमायारि लाभिपु एलसिनि थाखाय भट जायो। रइज्योआव बिसायख 'थि आयग (एसइसि) नि बायदिव्ला, मोन 544 भिसिआव गासै 2,24,089 आइजो भट होग्राफोरजो लोगोसे 4,41,431 भटारफोरा दड आरे 111 एलसियाव गासै 1,09,55 आइजोफोरजो लोगोसे 2,03,837 भटारफोर दड।

सिटफोर आइजोफोरनि थाखाय रिजाभिशन। बेनि उफ्रा एमसिनि सिडव मोन 87 जायगानि परिषदफोराव आइजोफोरनि थाखाय रिजाभिशन मोन 157 सिटफोरजो लोगोसे 575 सिटफोर दड आरे एलएमसिनि सिडव मोन 24 एलसियाव 148 सिटफोर दड; जायफोरनि गेजेराव 38 सिटफोरा 2,416 सिटफोर दड, आइजोफोरनि थाखाय जायफोरनि गेजेराव 613 रिजाभिशन।

### AFFIDAVIT

**I, ABINASH BASUMATARY**, aged about- 49 years, S/O. Late Kameswar Basumatary, by nationality Indian, a resident of Village- Diahijhari, P.O. Inyan Haltugaon, P.S. & Dist.- Kokrajhar, BTR, (Assam), PIN No.- 783370, do hereby solemnly affirm and declare as follows:-

1. That, I am a citizen of India by birth and a permanent resident of the above noted address.
2. That my deceased father and my grandfather's actual/correct name and title is **KAMESWAR BASUMATARY**, S/O. Late Kalsing Basumatary, which is recorded in my Aadhaar Card, vide card No. 6695 0673 1450 and other relevant documents.
3. That, in the Land document covered by **Patta No. 10 & Dag No. 40, situated at Village-Manchargaon** under Kokrajhar Revenue Circle, Dist- Kokrajhar, BTAD, (Assam), which is recorded in the of my deceased father, wherein my father and my grand-father's name and surname has been recorded as **KAMERAM BORO**, S/O. Kalicharan Boro in place of **KAMESWAR BASUMATARY**, S/O. Kalsing Basumatary.
4. That, I do hereby declare that **KAMESWAR BASUMATARY**, S/O. Late Kalsing Basumatary and **KAMERAM BORO**, S/O. Kalicharan Boro, are the same and one identical persons who is none other but my father and my grandfather.
5. That, this declaration is sworn by me to ascertain the facts as stated above and to submit it before the concerning authority to avoid any confusion regarding my father and my grand-father's name and surname and for doing needful act accordingly.

All the statements made above are true to the best of my knowledge, belief and information and nothing has been concealed therein.

Name: Abinash Basumatary  
Village: Diahijhari  
Dist. & P.S.: Kokrajhar  
P.O.: Haltugaon

### AFFIDAVIT

**I, SRI NIREN RAY**, about 50 years, S/O- Late Pushpa Ray, a resident of Village- Simlaguri, P.O. - Kalipukhuri, P.S. & Dist.- Kokrajhar, BTAD, Assam, do hereby solemnly affirm, oath and declare as follows:-

1. That, I am permanently residing at above noted address and a bona-fide citizen of India by birth.
2. That, my actual and correct name is **NIREN RAY**, which is recorded in my Bank Passbook of State Bank of India, vide A/C No.- **3440485394**, Salakati Branch and other relevant documents.
3. That, due to bona-fide mistake, in the Land Holding Certificate as well as Land Documents in respect of a plot of land, covered by **Dag No.- 33 & 34** and **Patta No.- 2** of Village- Simlaguri under Kokrajhar Revenue Circle, Dist. Kokrajhar, BTAD, Assam, wherein my name has been recorded as **MAHEN RAY** Instead of my actual and correct name **NIREN RAY**.
4. That, I do hereby declare that **NIREN RAY** and **MAHEN RAY** is the same and one identical person i.e. myself none other else.
5. That, I am swearing this affidavit to ascertain the above facts and to avoid the confusion regarding my name as stated above and to produce the same before the concerning authority as a piece of documentary evidence and for doing needful accordingly.

The above statements are true to the best of my knowledge, belief and information and nothing has been concealed therein.

Name: Niren Ray  
Village: Simlaguri  
Dist. & P.S.: Kokrajhar  
P.O.: Kalipukhuri

## दिनेनि फान्जामुधि

### राशि बाइदियै मुनि गिबि हांखो

**मेघ :** अ ल **वृष :** ऊ ब (उ ए इ) **मिथुन :** क छ (ड घ)  
**कर्कट :** ड ह **सिंह :** म ट **कन्या :** प ट (ण ष)  
**तुला :** त र **वृश्चिक :** ब न **धनु :** ध भ (ङ फ)  
**मकर :** ख ज **कुम्भ :** ग श (स) **मीन :** द च (ख ज झ)

- मेघ:** जेखियानो मावा फालांगिआव मुलाम्फा आरजिनानै लानो हागोन। मोजां सान।
- वृष:** माबाफोर गात्रि जेनायाव गोर्लेनो हागो। जैरेबो सांग्रां जानानै थांनांगोन।
- मिथुन:** मोजां रांगिथि जानो हानायनि मान बाउजानो मोनगोन। गोजोन्नाय मोनगोन। मोजां सान।
- कर्कट:** गोसो सिडव माखौबा लानानै गिनाय सोमजिनो हागो। गोसोखौ लोरबां लानो नाड।
- सिंह:** जैरेबो देरहासार जानायखौ मोनो हागोन। बे राशिनि थाखाय मोजां सान। गोजोन मोनगोन।
- कन्या:** माबा मोनसे देरहासारनायनि बान्था मोनो हागो। गोसोखौ गोजोन मोनगोन।
- तुला:** मोजां सुबुं जानो हानायनि मान सन्मान मोन्नाया बांगोन। गोजोने सम बारहोनो हागोन।
- वृश्चिक:** माबा मोनसे बेरामआव गोर्लेनायनो हागो। जेथिबो सांग्रां जानानै थांनांगोन।
- धनु:** नख 'रनि फारफोमथिबो मोजां। जेरावबो गोहो-बोलोखौ मोनो हागोन। गोजोन मोनगोन।
- मकर:** जेनाफोर दड'बा जोबखालांगोन। गोसोखौ शान्ति मोनगोन। मोजां सान।
- कुम्भ:** जेखि जाया खामानिफोरखौनो मावनो बानाय मोनगोन। मावनो गोनां खामानिया फेलें थांनो हागो।
- मीन:** मानिबा दुखुफोर दड'बा गुबुननि सिगाडव फोरमायनो हागोन। गोसोखौ खां मोनगोन।



**गोदान दिल्ली, 13 फेब्रुवारी:** दिल्ली-एनसिआरजो लोगोसे हादतनाडे नि माखासे रइज्योफोराव बोथोरा सोलायगोन। बेनि गेजेरजो बे दानावनो सा-भारतनि रइज्योफोराव गरम मोनहानाया जागायबाय। बोथोर बिफानआ बोथोरखौ लानानै गोदान आपडेट

फोसावो। दिल्ली-नएडयाव फुं आरे बेलासियाव गुसु मोन्दोदो। बेराफारसे, साननि समाव गोखो सानुं ओंखारो। बेनि गेजेरजो राजथावनि दिल्लीयाव दिने एबा 13 फेब्रुवारियाव मेक्सिमाम बिदुड दावखलायनायने 10 डिग्री सेल्सियास आरे मिनिमाम बिदुड 26 डिग्री सेल्सियास

## अरुनाचल प्रदेशआव अखा आरे बरफ गोर्लेनायनि आसा फोरमायदो

**गोदान दिल्ली, 13 फेब्रुवारी :** बोथोर बिफाना अरुनाचल प्रदेशआव अखा आरे बरफ गोर्लेनाय होना इयुन हमदादो। फारसेथि दिल्ली सुबुंफोराबो विष गोनां बारहावनिफ्राय इसे रेहाय मोनो हागो। दिल्लीजो लोगोसे गोबां रइज्योफोराव बिदुड बांदो आरे गोजांनयखौ जोबलांनय बायदि मोन्दोथिदो। थांनाय 12 फेब्रुवारीआव दिल्लीनि मेक्सिमाम बिदुड 27 डिग्री सेल्सियाससिम सौहैयो। बे बिबाड रिजआव थिसनजादो। जाय सरसन्धानिफ्राय 3.2 डिग्री बांसिन। भारत बोथोर बिफान (आइएमडि) आ फोरमायदोदि, बेयाव मिनिमाम बिदुड 11.6 डिग्री सेल्सियास थिसनजादो आरे बे समनि बोथोरव बेयो



सरसन्धानिफ्राय 1.4 डिग्री बांसिन। माहारीयारि राजथावनियाव सिदोमा एबा हिउमे नन्टिआ 36-80 जौखोन्दोनि गेजेराव थायो। बे समावनो सिपिसिबिनि बायदिव्ला, दिल्लीनि एकिउउआ 210 थिसनजादो, जाय गुबुंलेनि थाखोयाव गोर्लेयो। जिर'निफ्राय 50

गेजेराव थानाय एकिउआइखौ मोजां, 51-100 सिमखो गोजोन्थाव, 101-200 खौ गेजेर थाखोनि, 201-300 गात्रि, 301-400 खौ जोबोद गात्रि आरे 401-500 नि गेजेराव गिखंथाव थाखोयाव लानाय जायो। फारसेथि राजस्तानआव बिदुड हसखाब बांदो आरे माखासे जायगाफोरव

मेक्सिमाम बिदुड सरसन्धानिफ्राय बांसिन थिसनजादो। बोथोर बिफाननि बायदिव्ला, 16 फेब्रुवारीआव रइज्योआव गोबां जायगायाव इसे-एनै अखा हायो। रइज्योनि बांसिन बाहागोआ मेक्सिमाम बिदुड 25-33 डिग्री सेल्सियासनि गेजेराव थिसनजायो, जाय सरसन्धानिफ्राय 2-7 डिग्री बांसिन। फे नो गोनां सानफोराव रइज्योनि बांसिन बाहागोआव फे नो गोनां सानफोराव बोथोरा गाहामैने एबा अखा हानाय नडा। अदेबानि सोनाब नारसिन्थाइनि गोहोमाव 15-17 फेब्रुवारीनि गेजेराव जोमै साग्लोबना थानो हागो।







# पाब्लिक टयलेटनि बायजोआव WC लिरना होनायनि ओंथिया मा ?

टयलेटखौं जों गावबा गावनि जायगायारि रावजों गुबुन-गुबुन बुझे। सरासन्नायै आथिखालाव बयबो वाशरुम, बाथरुम, टयलेट एबा रेस्ट रुम बायदि होनाबो बुंसे। बेफोरनि अनगायै माखासे जायगाफोराव टयलेटनि बायजोआव WC लिरनाय थायो। बिब्दि लिरना होनायनि ओंथि आरो जाहोना मा ? बेखौं जोंनि गेजेराव गोबांआनो मिबथिया। शपिं मल, थियेटर आरो गोबां खेब गुबुन जायगाफोराव बेरायदिहैयोब्लाबो पाब्लिक टयलेटफोरखौं बाहायनायाव बायदि लिरना होनाय नुनो मोनो। हौवा आरो हिन्जावफोरनि टयलेटआव आलादायै साइनबर्ड होनाय जायो, जेराव जों बुजियै माबा-माबि लिरनाय थायो। बेफोर लिरनायनि गेजेराव मोजांनोजोर होयोब्ला डाब्लिड सि लिरनायखौंबो नुनो मोनगोन।



बेनि ओंथिया मा नोंथाडा मिबथिगौना ? सरासन्नायै वाशरुमनि थाखाय बाथरुम, टयलेट एबा रेस्ट रुम सोदोबफोरखौं बाहायनाय जायो। बेफोरनि गेजेराव मोनसेबो सोदोबआववो WC हांखोखौं नुनो मोनाय जाया।

अब्ला WC आ बबेनिफ्राय फेखो आरो बेयो मा बुंनाय जायो। बाथरुमखौं जायगा लायै जायगा गुबुन गुबुन बुंनाय बायदिनो WC आबो बेनिनो मुं। बाथरुमखौं सुंद 'थै WC होन्नाय जायो आरो बेनि आबुं सोदोब एबा

फुलफर्मआ जादों 'वाटार क्लसेट'। बेनि ओंथिया जादों दै थाफानाय टयलेट एबा बाथरुम। 1990 जौथाइयाव बाथरुमखौं बांसिन सुबुंफोरा वाटार क्लसेट होन्नाय जायोमोन। उनाव बेखौं गोबां मुडै मिबथिनाय जायो। □

## लैथोमानि बिखायाव गोदोना थानाय मुलुग जाय 4 आरब बोसोर गोजाम रहस्य गोनां



सोमजिखानाय बिगियानगिरिफोरनि थाखाय मोनसे रहस्य जानानै दड। बे संदानाया बुहुमनि इसिंआरि बाहागोनि हाइ रिजल्युसन मडलिन गेजेरजों जाफुंसार जादों। बेयो मोनसे औरैबायदि, टेक्निक, जाय माखासे हा मावखानाय एबा बांग्रिनि मानखौं सरजाबनानै हाइ क्वालिटिनि डिटेल् इमेज थियारि खालामो। बेयाव सुइजारलेण्डनि लुगान'आव थानाय स्विस् नेशनेल सुपारकम्पिउटारि सेन्टरनि पिज डेन्ट सुपार कम्पिउटारखौं बाहायदों। स्विस् जिय 'लजिकेल इन्सटिटुटनि पिएइसडि संदानगिरि थमासनि बायदिब्ला, बे संदानाया जोबोर मख 'जाथाव। नाथाय बेयाव गोथौ संदानायनि गोनांथि दड। दासिमाव बेनि बागै गुवारै मिबथिनाय जायखै। जाउनाव संदानाया सोलिगासिनो दड। बेजों बुहुम सोमजिखानायनि लोब्यायै संदानायनि गोदान खाबुआ नुजाथिदों। □

लैथो-लैथोमा बिखायाव गोबां रहस्यफोर दड, जायखौं दासिमबो सुझानो हायाखै। बिगियानगिरिफोरा प्रशान्त लैथोमा थालायाव मोनसे रहस्य गोनां 'गोदोना थानाय मुलुग' संदाना मोन्दें। बेखौं बुहुमनि इन्टरनेल मेपिनि गोदान गोनोंखोनि गेजेरजों जाफुंसार। बेयाव संदाना मोनाय मुलुगआ 4 बिलियन बोसोर एबा 4 आरब बोसोर गोजाम, जाय गासै मुलुगखौं सोमोनाहोदों आरो

गुबुन मुलुग थाबावनायनि इसारा होयो। बे रहस्य गोनां जायगाया 4 आरब बोसोर सिगां बुहुमनि मेन्टलआ दाजानाय समावनो जौगानाय जानांगौ होन्नाबो हमादनाय जादों। बिगियानगिरिफोरा दासिमबो बे गोदान संदानायनि बागै रोखा सिनायथिनो हायाखै। बिथामोनि बायदिब्ला, बेयो आरब बोसोरफोराव बुहुम सिंआव रोजा मुवा सोमजिखानायनिबो बिजाउन

एबा फिथाइ जानो हागौ। दासिमाव दै सिडव संदाना मोनाय साबडाकटेड स्लेबनिफ्राय बेयो जोबोर आलादा। बेयो बै जाक्सननिफ्राय जानगाराव दड, जेराव बुहुमनि टेक्निक प्लेटस सौदावो आरो बांग्रिनि थासारि सोमजिखांहोयो। अदेबानि बेयो बै पइन्टआवनो दड। संदानगिरिफोरनि बायदिब्ला, बेयो बुहुमनि मोनसे गोदान दैयाव गोदोनाय संसार। बेनि

## माखासे हादतफोराव सुबुंफोरा जुलिनिफ्राय जानगाराव थादों

बेइजिं, 13 फेब्रुवारी: चीन, जापान, करिसाजों लोगोसे मुलुगनि माकासे हादतफोय खम थागिबि आरो ल' फार्टिलिटी रेटनि जेनाजों भुगिनांगासिनो दड। बेरा फारसे हादतफोराव जुलि खालामनायावबो दावखलायनाय नुनो मोनगासिनो दड। बे गोदान केसआ चीननि। बेयावनि सरकारआ सुबुंफोरनि जुलि खालामनि जिंगायाव गोर्लैदों। चीनआव जुलिनि फारसे सुबुंफोरनि इन्टरेस्टआ गोबां खम जालांबाय। बेयाव थांनाय बोसोरनि रुजुनायाव जुलियाव गोबां दावखलायनायखौं नुनो मोनाय जादों। बेजों हादतनि इयुनि सायाव गात्रियै गोहोम गोर्लैनो हागौ। चीननि नोगोरारि बिथिफोरनि बिफाननि बायदिब्ला, बेयाव थांनाय बोसोरनि 1.6 बिलियन कापोलआ गावसोरनि जुलिनि रैजिस्टार खालामदोंमोन, जाय



थांनाय बोसोरनि 7.68 बिलियननि अन्जिमानि रुजुनायाव गोबां खम। चीनआव जुलि खालामनो गोसो जायैनि जाहोनाखौं हादतआव गथ'फोर थांनाय आरो फोरैनायनि खरसा बांनायखौं फोरमायदों। बेनि अनगायै चीनआव रंखास्थियारि दावखलायनाय बेबस्थानि जाहोनावबो सुबुंफोरा साखि मोनायाव जेना सोमजिदों। बेराफारसे, जायफोरनाव साखि दड; बिसोर गावसोरनि इयुनखौं

लानानै रैखाथि मोन्डाडाखै। अन्जिमा थायाव हादत। बेयावनि मख'नो गोनांदि, चीनआ मुलुगनि सुबुं अन्जिमाया 1.4 बिलियन, जायफेर थाब-थाब बुरि जायो। □

अन्जिमा थायाव हादत। बेयावनि सुबुं अन्जिमाया 1.4 बिलियन, जायफेर थाब-थाब बुरि जायो। □

## दिल्लीआव सानै लेडाइ गिबि मन्थि थिसन्वो हागौ

गोदान दिल्ली, 13 फेब्रुवारी: दिल्ली बिसायख 'थियाव गोखोडै देरहासारनायनि उनाव बिजेपिया गिबि मन्थि सायख'नायाव नांथाबदों, फारसेथिं पार्टीनि मोनसे यजनानि गेजेरजों गुबुन रज्ज्योफोरनि बायदिनो दिल्लीआवबो सानै लेडाइ गिबि मन्थि फसंनयनि फर्मुला आजावनो हागौ। राजथावनिखौं 'मिनी भारत' महरै दिन्थिनायनि थाखाय गोदान केबिनेटआव सानै लेडाइ गिबि मन्थिखौं लाफानायनि अप्पनखौं लानाबो सावरायदों। बिजेपिनि

# रंजालि गथ'फोरनि सौरा

## हानाय नड बावगारनो

फेदो नों आनि जिउआव थुलुंगागिरि महरै फुजिनो नाजागोन आं नोंखौं अराय मोदाइ महरै हानाय नड नोंखौं माब्लाबाबो बावगारनो नाजागोन आं बिखायाव अरायबो बजबनो।

नोंनि सुखु-दुखुआव बाहागो लानो सानो आडे होगोन ना खाबु आंनो नोडे नोंनि बाथ्रा सानो जेब्लाबो गोसो खाडे ना आंखौं नोंबो सोंलु सोमजियो नोंखौं लानानै मेलेमआव होगोन ना फिन्नाय आनि सिगांआव।

नोंखौं लानानै बायदि आबिर गाबनि सिमां नुयो नोंनि सायाव गोसोआ गोबां फोथायो आं सानो आंखौं फोथायखेबस' खालामनाय नड आनि गोसोखौं माब्लाबाबो सेफायनाय नड फोथायगोन ना आंखौं नोंबो होगोन ना बिखायाव जायगा अरायबो।

आंजों रायज्जलाया नों बांद्राय अब्लाबो गोसोखांग्रा जाबाय बाराद्राय नों बिखायाव जायगा लाबाय मेगन फैसालियाव अराय फैबाय थाग्रा जाबाय हानाय नड नोंखौं बावगारनो हानाय नड नोंनि गोजान जानो।

निरमालि बर' गामि: सावकुसि (लान्दांफारा) बाक्सा

## मा एसे मोजांथार खन्थाइ रेबो

मा एसे मोजांथार खन्थाइ रेबो जौमोन बिनानाव नोंबो दानिया

बां रोंनाय जाबाय दे लिरदाव लिरदाव खन्थाइनि खबाम गोरोब होनायखौं

दे बिदि थालिमखौं खालाबासो खबामनि रिसारथि रिंखां फेयो

रैदोम बर', बाक्सा

## थांनाय जानुवारी दानआव खुस्त्रा रंखास्थि बांनायखौं 4.31 जौखोन्दोआव दिखानो मोनाय जादों

वाशिंन्टन, 13 फेब्रुवारी: बेसेन बांनायजों लोब्बा गोनां मोनसे खौरां फेदों, खुस्त्रा रंखास्थि बांनायखौं डिसेम्बरनि 5.22 जौखोन्दोनिफ्राय दावखलायनानै जानुवारी दानाव 4.31 जौखोन्दो दिखानो मोनाय जादों। पिटिआइनि खौरांनि बायदिब्ला, सरकारनि फारसेनिफ्राय बुधवारखालि गोदान अन्जिमा फोसावो। थांनाय बुधवारखालि फोसावनाय अन्जिमाफोरनि बायदिब्ला, सिपिआइनि सायाव बिथा खालामनाय खुस्त्रा रंखास्थि जौगाखांनाया 2024 नि डिसेम्बर दाननि 5.22 जौखोन्दो आरो जानुवारी दानाव 5.1 जौखोन्दो, जाय डिसेम्बर दानाव 8.39 जौखोन्दो आरो 1 बोसोरनि सिगां दानाव 8.3 जौखोन्दोनिखुइ रंखम। खौरांनि बायदिब्ला, आरबिआइखौं बेखौं रोखा खालामनो थाखाय बुंनाय जायोदि, खुस्त्रा रंखास्थि जौगाखांनाया 2 जौखोन्दोनि माजिनजों लोगोसे 4 जौखोन्दोआव थादों। अन्जिमानि बायदिब्ला, गामियारि रंखास्थि जौगाखांनाया डिसेम्बर दानाव 5.76 जौखोन्दोनि रुजुनायाव जानुवारी दानाव खमायनानै 4.64 जौखोन्दो थादों आरो सहरारि रंखास्थि जौगाखांनाया थांनाय दाननि 4.58 जौखोन्दोनि रुजुनायाव दावखलायनानै 3.87 जौखोन्दो थायो। थांनाय फेब्रुवारीयाव दिन्थिनाय बाजेटआव सरकार बाहायनायखौं बांहोनो थाखाय खमायनोबो फोसावयो, जेराव 12 लाख रंसिम इनकाम टेक्स फ्रि खालामो। □

## खन्थाइ लिरो आं

न्थाइ लिरो आं नोंखौं गोसो खानानै नोंखौं मोजां मोननाय गोसेनि खोथा गोरोबो बिखायाव बजबनानै अननायजों महि होनाय नोंनि गोबौनि फिथिखा लुफावनाय सानखि हर नोंखौल' गोसो खांडे गोसो सानबोलावरि नोंनिल महर जाखांफेयो गोबां बिखायाव नोंनि आबिर साफार्वा फेयो सोमखोर हाजोनि नोंनि मौसुमि बार जानानै नों बिलिरफेयोबा आनि गोसो सोलेर गोजोन सुदेम मोनो गोदो गोदो उनदुलानाय सिमांआव नोंखौं लानानै समायना सिमां नुयो आं खानायो नोंनि रैसुमै गोदै रावजों रायज्जलायनाय गोसो गोजोनै नोंनि अननाय होनाय नोंनि अननाय मिजिंफोरखौं लानानै अराय सम जिउ मोनसेआव गोजोन थांनानै थानो लुबैयो जिउआव माब्लाबा दुखु जायोब्ला नों आंजों लोगोसे थाफागोनना जौथि जौनाय अखांनि हाथरखि अलंबार जानानै सोरां हो नों आंनो अमबासि हराव नोंनि गोथार थुलुगा लानानै आं जिउनि लामा हान्थिलांगोन बावनो हाया नोंखौं बेनिखाइनो गले-गले गोसो खाडे बुहुम मिथिंगाया गाब सोलायखालिबो गोरोबो बिखायाव नोंनि महिनां सावगारि आखियो जिउनि लाइसियाव सुजुनाय जारिमिन जोथोने लाखियो गोरोबोनि सिमां मिजिंफोर गाब गोनांयै साजायो।

प्रदिब रामसियारि सनितपुर

## सहाय नांदों हांमानि दिखाराव

हाय नांदों हांमानि दिखाराव बिखायाव दावदाबलाना फेलेंनि दिखार गोरेबनाय सोलेर थुबलाव अरगेंआव।

सबिराम बर' राबां, बाक्सा

## आबौ

बेसेदि गोथौ बेसेदि गुवार आबौ स'ना नोंनि अननाया, होयो नों आंनो अननायनि गोथार बोसोन लायो आंबो नोंनि बे बोसोनखौं गोबां बिखायाव बज'बनानै। होनाय नों आबौ स'नानि बे सद बांसाखौं लानानै दावगालांगोन आं, सिबिलांगोन आं गसाइ महरै मोनाय नों आबौनि अननायखौं लानानै। बेसेदि अननाय नोंनि बेसेदि फोथायनाय नोंनि आबौ स'ना आनि सायाव गोसो खाडेब्ला बोहैयो मोदै थायनै आनि बे मेगननिफ्राय। बोहैयोब्ला मोदें आनि मेगननिफ्राय जायोमोन नों मानो जालाखार.... ? दुखु आनि फारसे नुयोब्ला बोहैयोमोन मानो नोंनि मेगननिफ्राय सहाय हायै दुखुनि हांमा..... ? जौ फागला बिफाया फिसाखौं बुनायाव गाबो फिसाफ्रा बिखा खामहाब-खामहाबनो अनसुलि बिमाखौं दाखयनानै। फिसौफोरनि बे बायदि गाबनायखौं नुयोबोला जायोमोन दुखु आबौनि गोसोआ मानो..... ? बुनो हायैनि जेबो, गाबखाडे गोसोयाव बोहैयो दुखुनि बाना लैथोयाव। जौ फागला बिफानि महर नुयोबोला गिखाडे फिसाफोर, बुडोबोला फंसे खोथा, गोमसारो अखांया।

श्री जयसरन नार्जरी गामि- दंफांवारि (सिमुलतापु)

गुबुन हादतआव दावबायहैना हादतआव फेफिन्नायनि उनाव दिल्ली सरकार दानायनि हाबाफारिया गोखेसिनै सोलिनो हागौ। दिल्ली बिजेपिनि बारग' गाहाइ बिबानगिरि बिजेन्द्र गुलाह, सतिश उपाध्याय आरो मनजिन्दर सिंह सिरसा, पवन शर्मा, आशिष सुद, रेखा गुलाह आरो शिखा राय बायदि गागि दैदेनगिरिफोर गिबि मन्थि जाथावनाफोरनि फारिलाइयाव दं। □



# सिमनायाव पेन्सिं लागायनाय आरो एफएमआरखौ फोजोबनायनि हेंथायै नागाफोरा धर्ना खालामदों

**इम्फल, 13 फेब्रुवारी:** मणिपुरनि सिमनायाव थानाय जिल्लाफोर टेंनौपाल आरो चन्देलआव सरासनस्त्रा हाबाफारिफोरा बुधबारखालि आबुडे बन्द' जायो, जेराव भारत-म्यान्मार सिमनायाव जरजुलुमै पेन्सिं लागायनाय आरो फ्रि मुभमेन्ट बेबस्थाखौ फोजोबनायनि हेंथायै धर्ना खालामो। मणिपुरनि चन्देल जिल्लानि मोन 11 नागा ट्राइबलफोरखौ दैदेनग्रा चन्देल नागा पिपुल्स अर्गेनाइजेसन (सिएनपिअ) नि गेजेरजों खुंनय धर्नाफोरखौ कुकि चीफ एससियेसन चन्देल जिल्ला कमिटिजों लोगोसे माखासे कुकि आफदाफोरनि मदत मोन्दोंमोन। फुनि 6:00 रिगायाव जागायनाय धर्नाआ बेलासिनि 6:00 रिगायाव जोबो। बेनि गेजेरजों चन्देल, टेंनौपालनि जिल्ला गाहाइ मावख'फोर आरो चकपीकरंआव



रेलि खुंनय जायो। बे धर्नानि फिन्नायाव गासे गलाफोर, फालांगि फसंथान, सोल्लोथाइ फसंथान आरो गासै सरकारि मावख'फोरजों लोगोसे बेंकफोरा बन्द' जायो। बे धर्नानि समाव चन्देलनि डिपुटि कमिसनरनि गेजेरजों भारतनि गाहाइ मन्थि नरेन्द्र मदिनो गांसे

गोसोखां बिलाइ गथायो। नागा आरो कुकिनि माखासे आफदाफोर बे हाबाफारिखौ हेंथा होयो। अदेबानि भारत सरकारनि 1,643 किल'मिटर गोलाव सिमनायाव पेन्सिं लागायनाय बिथांखिनि हमदांनय बेसेना 31,000 कौटि रं। टेंनौपाल

जिल्लायाव दासिमाव गासै 10 किल'मिटरनि सिमना पेन्सिं लागायनायनि हाबाफारिया आबु जाखांबाय। बेनि अनगायैबो मिरुआ मणिपुर-म्यान्मार सिमनायाव उदाडे हान्था-मेला खालामनाय बेबस्थाखौबो होबथादों।

# त्रिपुरा गिबि मन्थि साहाआ उतरखारि गोसार होग्रा आरो मदद होग्राफोरनो गोखों सांग्रांथि होदों

**आगरतला, 13 फेब्रुवारी:** त्रिपुरानि गिबि मन्थि साहाआ बुंदोंदि, रइज्योआव फिन उतरखार गोसारहोनाय नुनो मोनोब्ला रावखौबो निमाहा होनाय नछ। उतरखार गोसारनायाव मदद खालामग्राफोरनि हेंथायै गोखों नायबिजिनाय जागोन। माखासे सुबुंफोर रइज्योआव फिन उतरखार गोसारहोने नाजागसिनो होनानै मिथिनो मोन्दों। बेनिखायनो बिसोरनो सांग्रांथि होनाय जायोदि, सोरबा जुदि रइज्योआव गोजोन गैयै थारायि लाबोनो नाजायोब्ला रावखौबो रेहाय होनाय जानाय नछ। रइज्योआव गोजोन लाबोनो थाखाय गोखों नाजानाय जादों आरो जों बयबो आरो गासैबो थाखोआवोन जौगानायखो हास्थायो होनानैबो गिबि मन्थि साहाआ बुजे। सिगां फासै बिथाइ बुंबावोदि, कमिउनिस्ट मुगानि समाव त्रिपुरा जेनाजों मोगा-



मोगि जानादों। बिथाइ बुंबावोदि, सरकारआ आइजोफोरनि समाजयारि रांखांथि जौगाखानायखौबो गुदि नोजोर होदों। बुधबारखालि सोनाब जिल्लानि जिरानिया मटर स्टेड

कमप्लेक्सआव मोन 5 बिथांखिफोरनि अन्थाय खाम्फा गायसन्नाय आरो मोनसे बिथांखिखौ बेखेवनाय समाव गिबि मन्थिआ बेफोर वाश्राखौ बुजे। जाय बिथांखिफोरनि अन्थाय

काम्फा गायसन्दों बेयाव जिरानिया मटर स्टेड, जलाइबारि मटर स्टेड, मेलाघर मटर स्टेड, खवाइ जिल्लानि तेलियामुग्राव जिल्ला हान्था-मेला मावख' आरो खोला त्रिपुरानि शान्तिबाजारआव जिल्ला हान्था-मेला मावख'आबो दंफायो। बेनि अनगायै खवाइ जिल्लानि पुन बाजारआव पार्कि कमप्लेक्सखौबो गिबि मन्थिआ भाचुपुलि बेखेवनाय होयो। हान्था-मेला बिपाननि बान्नायनायाव खुंनय बे हाबाफारिआव गिबि मन्थि ७ साहाआ 40.58 कौटि रंनि बिथांखिनि अन्थाय खाम्फा गायसन्नाय आरो बिथांखि बेखेवो।

## मनिपुर पुलिसआ गुबुन गुबुन आफदादि सानै सोद्रोमाफोरखौ हमदों

**इम्फल, 13 फेब्रुवारी:** मनिपुर पुलिसआ बुधबारखालि मनिपुरनि गुबुन गुबुन जायगाफोरव जर जुलुमै रं लुथिनाय आरो रं दाबिनाय बिथिडाव गुबुन गुबुन आफदादि सानै एक्टिभ सोद्रोमाफोरखौ हमदों। पुलिसनि बादिब्ला, होबथाजानाय आफदादि प्रिपेक (पिआरअ) नि सासे एक्टिभ सोद्रोमाफोर पेबम धाकेशर सिंह (51) मुडै सिनायथिनाय जादों, जाय सिंजामेइ-पिएस, सोनाब इम्फलनि सिडव थानाय सिंजामेइ अकराम लेइकाइनि थागिबि। बियो सिंजामेइ ओन्सोलाव सरासन्ना सुबुंफोरनिफ्राय रं दाबिनायाव दंफायोमोन, जायनि थाखाय बिन सासे हेफाजाबगिरि सिंजामेइ अकराम लेइकाइ के सिपि सनाजाअबाआ बिनो मबाइल फन होदोंमोन। पुलिसआ बिनफ्राय गंसे मबाइल फन, मोनसे वालेट, गांसे आधार कार्ड, गांसे सिनायथि



बिलाइ आरो गांसे पेन कार्डजों लोगोसे मोनसे नटुकुबो जब्द खालामदों। हमजानाय मावसुमाखौ जब्द खालामनाय बेसादफोरजों लोगोसे इयुनि आइनरि नायबिजिसायनि थाखाय साखाथिनि पुलिस स्टेसननो गथायनाय जायो। बेनि गेजेराव होबथाजानाय के सिपि (सिटिमेतेइ)नि सासे एक्टिभ सोद्रोमाफोरखो रइज्यो पुलिसआ हमदों। पुलिसनि बादिब्ला, हमजानाय सुबुंजों माइरंथेम गविन

एवा खाबा मैतेइ (38) मुडै सिनायथिनो हादों, जाय कारकिं जिल्लानि एम्फल ओन्सोलनि थागिबिमोन। हमजानाय सुबुज कारकिं आरो थौबल जिल्लायाव सरासन्ना सुबुंफोरनिफ्राय जरजुलुमै रं लुथिनायाव दंफायोमोन। बिनफ्राय गंनै मबाइल फन आरो गंसे साखा खबबै गारि जब्द खालामदों। इयुनि नायबिजिसाय आरो आइनरि नायबिजिसायनि थाखाय बिखौ बेंखनआव लानाय जादों।

# पासिघाटआव नर्थ-इस्ट लिडार्स कानेक्ट कनक्लेभ खुंदों

**पासिघाट, 13 फेब्रुवारी:** अरुनाचल प्रदेशनि गिबि मन्थि पेमा खान्डु आरो मेब बियाबनि एमएलए अकेन तायेआ 9 निफ्राय 11 फेब्रुवारिसिम अरुनाचल प्रदेशनि अवर कान्ट्रि रिजटआव नर्थ-इस्ट लिडार्स कानेक्स (एनइएलसि) नि 14 थि हाबाफारिखौ दैदेन्दों। बे हाबाफारिआव बाइचुं भुटिया, उ लालरिस्तुआं, कर्मा पलजार आरो हेकानि जाखुलजों लोगोसे गुबुन गुबुन सा-सान्जा रइज्योफोरनि दैदेनगिरिफोरा गाहाइ आयदाफोरनि सायाव सावरयो। गिबि मन्थि पेमा



खान्डुआ हाया आरो बायडाइभार्सिनि संरेखाथियाव इयं इकप्रेयसंखौ हेफाजाव होनांगीनि

गोनांथिखौ बुंलियो। बिथाइ हादरनि वन कभारेजआव सा-सान्जानि मख'जाथाव बिफाव

आरो गोखों जौगाकांनयनि गोनांथिखौ नोजोर बोदों। मबियास फाउन्डेसन आरो के निम्ब ज इडनिभासिडिजों लोगोसे शेयारिआव एनइएलसिनि थांखिआ संरेखाथि यजनाफोर आरो आबहावाआव नोजोर होनांगोखौ लानानै लाइमोनफोरखौ गसंथानो हानाय खालामनाय। खान्डुआ हायाफोरनि रेखाथियाव हरि-फोलेर आरो नोगोरारि समाजनि हेफाजाव होनांगीनि सायावबो नोजोर बोदों। हाया फोजोबसांनयखौ होबथानानै आबहावाखौ जोधोनै लाखिनाया बयनिबो बिबान होनानैबो

बिथाइ बुजे। बाइचुं भुटियाआ बेखौनो रायखाडो आरो आसासखाथियारि मैहुर खालामनाय हुदाफोरखौ सोलायनाय एवा बेलेस गोनां आबहावा दानायनि थाखाय नाजानो बयखौबो खवलायो। उ लालरिस्तुआं, महन किकन, जिजि कामेइ आरो हेकानि जाखलुजों लोगोसे गुबुन दैदेनगिरिफोरा सा-सान्जानि जौगाकांनयनि थाखाय एनइएलसिनि इयुनि हाबाफारिनि सायाव गाव-गावनि सान्नायखौ बुंलियो। अकेन तायेआ 14 थि एनइएलसि जथुमआ जाफु सारलांनयनि थाखायबो साबायख'रेबावो आरो ओन्सोलनि इयुनि थाखाय हेफाजाव आरो जौगाकांनयनाय नोजोर होयो।

## डनाल्ड ट्रम्पआ दावहा फोजोबनायखौ लानानै पुतिन आरो जेलेनस्कीजों सावरायदों

**वाशिंग्टन, 13 फेब्रुवारी:** आमेरिकानि हादतगिरि डनाल्ड ट्रम्पआ बुधबारखालि रासियानि हादतगिरि भल'दिमीर पुतिन आरो इउक्रेनि हादतगिरि भल'दिमीर जेलेनस्कीजों लोगोसे फनआव इउक्रेन दावहाखौ लानानै सावरायो। बेयाव दावहाखौ फोजोबनो थाखाय थाबैनो सावरायनायखौ जागायनायनि सायाव सावरयो। बावैसो सिगां



मासि सामलायनाय ट्रम्पआ रासिया-इउक्रेन दावहाखौ थाबेनो फोजोबनो खोथा होदोंमोन आरो बेनि सायाव सोलोखाथियारि बिथिडाव बेयो बिथांनि गिबि गिदिर थांखि। इन्टरनेट मिडिया प्लेटफर्म एक्सआव होनाय परटआव ट्रम्पआ बुझेदि बिथां आरो पुतिनआ गावसोरनि टिमफोरखौ थाबेनो सावरायनायखौ जागायनो थिनो। दरनैबो हादतआ लोगोसे गोरोबलायनानै बेनिफ्राय बारा'नायनि खामानि मावगोन। जे लेनस्कीजों मावख'नि फारसेनिफ्राय फोरमायनाय बायदिब्ला, ट्रम्प आरो जेलेनस्कीआ गासै 2 घन्टासिमाव

फनआव सावरयो। बेराफारसे पुतिन आरो ट्रम्पनि गेजेराव गासै 1 खावसे घन्टा सावरायदों होना रासियानि फारसेनिफ्राय बुजे। बे समाव सानै दैदेनगिरिया लोगो हमलायनो थाखाय गनायथियो आरो पुतिनआ ट्राम्पखौ मक्सआव फेनो खवलायहरो। मख'नो गोनांदि, थानाय 2022 नि फेब्रुवारी दानाव रासियानि गेजेरजों इउक्रेन नि सायाव गाग्लोबनायखौ जागायनायनि उनाव बै समनि आमेरिकानि हादतगिरि ज' बाइडेन आरो बांसिन सोनाबारि दैदेनगिरिफोरा पुतिनजों लोगोसे थों जोडे सावरायाखौमोन।

## स्पेम कलखौ लाना टिआरएआइ आ नेम-खांथिखौ सोलायदों

**गोदान दिल्ली, 13 फेब्रुवारी :** टेलिकम रेगुलेटर ट्राइ (टिआरएआइ) आ स्पेम कल आरो मेसेजनिफ्राय ग्राहक एवा कास्टमारफोरखौ रेहाय मोनहोनो थाखाय गोखों आखु दिन्थिनानै बेजों लोब्ला गोनां खांथिफोरव सोलायनाय लाबोदों। बेजों लोगोसे ग्राहकफोर सिगांनिफ्राय गोरलैसिनै गाव-गावनि अजदथो थिसनो हासिगोन। बेफोर अजद थिसनयखौ नायबिजिराब्ला, टेलिकम कम्पनीफोरनि सायाव जुरिसाना फोनांनयनि खांथिबो



लाबोनाय जादों। कम्पनीनि फारसेनिफ्राय स्पेम कलनि बागै थि खौरं होयाब्ला आरो नेम-खांथिखौ मानियाब्ला 2-10 लाख रं जुरिसानाबो होनांनो हागो। ट्राइनि फारसेनिफ्राय बुधबारवा मिबथिहोनाय बायदिब्ला, कमासियेल मेसेजनि सिनायथिनाय राहायावबो सोलायनाय लाबोदों। गोदान नेम-खांथिथा फेगौ 30-

60 साननि गेजेराव गोहोम गोनां जागोन। गोदान खांथि बायदिथै, गासिबो टेलिकम कम्पनीफोरा गाबनि एप एवा पर्टेलआव स्पेम कलनि हेंथायै अजद थिसनयनि थाखाय रोखायै जायगाखौ दिन्थिनांगोन, जाहाथे ग्राहकआ बेयाव क्लिक खालामना गोरलैसिनै अजद थिसनो हागोन। ग्राहकफोरनिफ्राय मिनिमाव

गोनांथि जानाय डेटानि दाबि खालामनांगोन। ग्राहकआ टेलिकम कम्पनीफोरनो इ-मेलनि गेजेरजोंबो अजद थिसनो हागोन। स्पेम कलनि अजदथो कल मोन्नायनि 7 सानसिमाव खालामनो हानाय जाबाय। सिगांआव बेनि समाय सिमाया 3 सानमोन। स्पेमकलनि नाम्बार होनानैबो आरो एपआव स्क्रीन शट आपलड खालामनानैबो अजद थिसनो हानाय जागोन। बेनिफ्राय सा 5 नि गेजेरावनो स्पेम कल खालामग्राफोरनि हेंथायै नायबिजिसाय जागोन। सोरनिबा हेंथायै 10 सानाय मोन 5 अजद मोनोब्ला कम्पनीया बेनि नाम्बारखौ ब्लक खालामनो आरो ब्लक लिस्टआव दोन्नाय बायदि नायबिजिसाय जागोन।

**वान वे महाकुम्भ जर'खा ट्रेन हगारनाय**

महाकुम्भ 2025 नि समाव दावबायारिफोरखौ रोगानो थाखाय गाहायाव होनाय सम फारिलाइ बायदिथै राडपाया नर्थ-तुन्दला जंसनसिम वान वे स्पेसियेल ट्रेन नं. 05841 हगारनो थाखाय थांखि लानाय जादों:

05841 राडपाया नर्थ-तुन्दला जंसन वान वे महाकुम्भ स्पेसियेल ट्रेन ( टिअडि )

स्टेसन	सौफेनाय	हगारनाय	सान
राडपाया नर्थ	---	17:30	15-02-2025 ( शनिवार )
रडिया	20:30	20:55	16-02-2025 ( रबिबार )
निउ बडाइगाव	00:00	00:05	
कातिहार	08:40	08:50	17-02-2025 ( समवार )
बारवनि जंसन	11:50	12:00	
प्रयागराज जंसन	23:10	23:15	
फातेहपुर	00:38	00:40	17-02-2025 ( समवार )
तुन्दला जंसन	06:30	---	

गुबुन लांखिआ थावनिफोर: निउ मिशामरि, उदालगुरि, नलवारि, बसेय रड, कक्राझार, निउ कचबिहार, निउ जलायगुरि, किसनगन्ध, नावगासिया, कामारिया, बेगुसावड, हाजिपुर, पातलिपुर, दनपुर, एरा, दुसार, पिटि दिन दयालय उपाथ्या, निउ वेस्ट केबिन, मिजोरपुर, गबिन्दपुरि आरो इतब।

कम्पिसन: एसि-3 टडयार (मोनसे), रिलपार क्लास (मोन नि), जेनेरेल सेकेन्ड क्लास (मोन निसे), जिएसएलआर/डि (मोन) = 21 आइसिएफ कच।

**जेनेरेल मेनेजार ( अपारिसन ), मालिगाव सा-सान्जा सिमना रेलवे**

No.DPRD/BTC/Gen-208Pt.I/6<sup>th</sup>ASFC/2025/63 Dated Kokrajhar, the 13<sup>th</sup> Feb., 2025

**PRESS NOTICE**

The Director of P&RD, BTC, Kokrajhar invites bids through e-Tendering process for implantation work of "Procurement of Desks and Benches for distribution in the various schools under BTC area for an amount not exceeding to Rs.6,00,00,000.00 (Rupees six crores) only to be incurred under the award of 6<sup>th</sup> Assam State Finance Commission for the year 2023-24 during 2024-25.

Details may be seen at <http://assamtenders.gov.in> and also at the office of the undersigned during office hours.

Sd/-Director,  
Panchayat & Rural Development,  
BTC, Kokrajhar

IPR(BTC)/C/2024-25/1465

No.KDB-448/2023-24/11164 Dated Gurufela the 11<sup>th</sup> Feb., 2025

**NOTICE INVITING TENDER**

Sealed tender affixing a non-refundable court fee stamp of Rs.8.25 (Rupees Eight and twenty five rupees) only with a validity period of 180 days, which will subsequently to be covered and drawn up in the printed of F-2 form are invited from the registered contractor Class-I (A, B, C) & Class-II Categories Assam P&RD and BTC, According to their eligibility for submitting tenders for the works under 6<sup>th</sup> AFCC fund for the year 2024-25 as stated below. The tender will be received by the undersigned upto 2.00 PM of 04/03/2025 and will be opened on the same day at 3.P.M.

Sl. No.	Name of work	Location Under	A.A. Amount (Rs. In lakh)	Cost of bid document	Amount of bid security	Time of completion
1	Const. of wooden Bridge at Sonapur village	Sonapur	Rs. 19.00 L	0.03%	SC.ST=1% OTH=2%	3 moths

Details N.I.T may be seen in all working days during office hours in the office of the undersigned. Tender will be issued to the contractors of their authorized agent from 12/02/2025 to 04/03/2025 in the office of the undersigned on payment in the form of demand draft/banker's cheque from any Nationalized bank, duly pledged in favour of the BDO, Kachugaon Dev. Block, Gurufela.

Sd/- Block Development Officer,  
Kachugaon Development Block, Gurufela

IPR(BTC)-2023-24/1463



अदेबानि पाकिस्तानआ खहा जानायनि बागै रोखा मिथिनो हानाय जायाखैबलाबो पाकिस्तान सांथिआ गोबां खहा जादों होनानै हमदांनय जादों होना रेखाथि बिबानगिरिआ मिथिहोदों। कृष्णा घाटी सेक्टरआव पाकिस्तानआ एरेबादि समाव दावहा दोन्थ'नाय

खांथिखौ सिफायदों, जेब्ला सानसे सिगां जम्मु जिल्लानि अखनुर सेक्टरआव एलअसि साखाथियाव सन्देह गोनां उतरखारिफोर आइडिडि बेरफुहोदोंमोन आरो बेयाव सासे केपेनजों लोगोसे सानै भारतीय सांथिनि जिउ गोमादोंमोन। मख'जाथावदि, भारत आरो पाकिस्तानआ 25 फेब्रुवारी 2021 आव दावहा दोन्थ'नाय गोरोबथाखौ रिनिउ खालामनायनि उरनिफ्राय एलअसिआव दावहा दोन्थ'नाय खांथिखौ सिफायनाया जोबोद खम जादों। बे समावनो ससेल मिडियाआव पाकिस्तान सांथिनि मोनसे मावख'यारि भिडिअ गोसारदों, जेराव सा 6 जिउ गोमानाय सांथिफोरनो बिबाव बाउनाय नुनो मोन्दों। अदेबानि बे भिडिअआव अक्खौ मिथिहोनाय जायाखै।

## मदिआ आमेरिकाव सौहैनाय लोगो-लोगो हादतगिरि ट्राम्पजों लोगो हमगोन

**वाशिंग्टन, 13 फेब्रुवारी :** पिएम मदिआ साननैनि थाखाय आमेरिका दावबायहैयो। दिने (13 फेब्रुवारी) हवाइ-हाउसआव बिथांखौ गाजा-गोमजायै बरायनाय जागोन। बेनि उनाव आमेरिकानि हादतगिरि डनाल्ड ट्राम्पजों लोगोसे सावरयागोन। ट्राम्पनि नैथि खेब हादतगिरि जानायनि उनाव बेयो गहाइ मन्थि मदिनि गिबि लोगो हमनाय जागोन। खौरंनि बायदिब्ला, थान्दै आफाद थाखांनि माखासे जथुम्माफोरखो जागोन। पिएम मदिआ एलन मारकजों लोगोसे माखासे मुंदाखा बिजनेस लिडार्जों लोगोसेबो लोगो हमगोन। आमेरिका सौहैनायनि उनाव बिथाइ वाशिंग्टन डिडिआव आमेरिकानि माहारियारि संगालि बिथोनगिरि तुलसी गबाईजों लोगोसे जथुम्मा खालामो। पिएम मदिआ आरो गबाईआ भारत-आमेरिका लोगोनि गुबुन-गुबुन आयदाफोरनि सायाव सावरयो। माहारियारि संगालि बिफाननि बिबान सामलायग्रा तुलसिआ सासेया सांथिियारि बिबानगिरि जाखांबाय। बियो इराक आरो कुवैटआव खामानि मावखांबाय।



बिथाइ आमेरिकायाव हिन्दुफोरनि आयदाफोरखौ दिखाइजे। तुलसी गबाईआ गावखौ हिन्दु होना फोरमायो, नाथय बियो भारतयारि फोलेरनि नछ। अदेबानि बिन बिमा केरलआ हिन्दु धोराम आजावना लादों आरो बिन बिफाया रमान के थलिक खूचानमोन। हिन्दु धोरामखौ अनसायनायनि जाहोनावनो केरलआ गावनि फिसाजोफोरनो

हिन्दुनि मुंफोर दोन्दों। सुलुडव फोरमायनाय बायदिब्ला, 2022 आव तुलसि गबाईआ डेमक्रेटिक पार्टिखौ नागारनाने रिपब्लिकन पार्टिआव हाबदोंमोन। ट्राम्पआ बिसायख'थियारि दान्थे-बिदान्थेयाव हेरिसखौ फेजेन्तो थाखाय तुलसीनिफ्राय मदतबो बिदोंमोन। आमेरिकायाव जोथोन मोन्नाय तुलसीनि बिफाआ सम'आ आरो इउरपीय फोलेरनि।



# बुंस' हालिया

आदि नोंखौं मा बुंनानै रायदाव बावनो नॉनि बिखायाव, नोंखौंदि आनि गोर्बां गोसोजों अराय सैथोयै मोजां मोनो। आंखौं सोर मिथिनो लाइमोन; आनि जीउनि गांनाय उखैनायखौं। सोरदि फोथाय बावगोन जोमोन बैसोनि दुखु जाल्लांखौं। आनि मेगननि नोजेराव नोंदि दड जादुगिरि आनि जीउनि सोलेराव नों गेलेफेयो। जायसो गोसो थोलायदों बेसो बुजिदों, जेरावखि थाड नॉनि हायना महरआ

जैरेखि साना नॉनि थाखायल' रजे। नॉनि बुंनाय रावआ, खालामबाय आंखौं फागला, नॉनि हायना महरा जाहोबाय आंखौं फागला। नोंखौं सानसे नुडब्ला गोसोया जायो उसाव बादव आजोला जीउआ नॉनि थाखायल' सानफ्तांबाय थायो। अरायबो नोंखौल' साखाथियाव बजबना लानो सानो आं नॉनि अन्नाय मोनोब्ला बेसेदि मोजां मोनो आं नोंखौं बुंसनो हालिया रजे।

**मुस्रि आनन्दजिद बसुमतारी**  
**गामि- बांग्लाबारि, ला:सो:- दावलाबारि**  
**जिला- कक्राइर बिटिसि आसाम।**

## आइबि नि गिनो गोनां सांग्रांथि होनायनि उनावनो

### बौद्ध धोरोम गुरु दालाइ लामानो जेद केटेगरिनि रैखाथि

**आइएनएस, गोदान दिल्ली, 13 फेब्रुवारि:** जोथोन लाग्रा मावफारियाफोराबो अराय सम नख'र मिनिस्ट्र्आ तिब्वती आध्यात्मिक गुरु दालाइ लामानो जेद केटेगरिरैखाथि रहा होबाय। आइबिआ दालाइ लामानि फार्सें खैफोद फैनो हागौं होन्नानै गिखानाय खौरां हरनायनि उनाव नख'र मिनिस्ट्र्आ बे थांखिखौं आजावयो। जेद रैखाथि रहा बादियै- दालाइ लामाआ सा 33 रैखाथि जवान मोनसिगोन। बिसोर रैखाथि जवानफोरखौं हिमाचल प्रदेशनि धर्मशालाआव थांनाय दालाइ लामानि खुलिअव थिसन्नाय जागोन। बेनि अनगायैबो नैजिब्रे घन्टा देहा बेंग्रा आरो दावबायनाय समाव एस्कर्ट कमान्डोबो थाफागोन। लोगोसे रोंग'थि गोनां ड्राइभर आरो

जोथोन लाग्रा मावफारियाफोराबो अराय सम हाबायाव नांथाबगोन, जाहाथे रैखाथि आरो जोथोन लानायाव जेबो रोखोमनि गब्लं नुजाया। 89 बोसोरनि दालाइ लामाआ बौद्ध धोरोम गुरु आरो आध्यात्मिक दैदेनगिरि। बिथांखौं बौद्धनि बादियै गुरु मानिनाय जायो। बिथांखौं गोजोननि सोलॉसा होन्नानै मिबथिनाय जायो। बिथांनो 1989 माइथायाव गोजोननि नबेल बात्था गथायनानै मान बाउनाय जादोंमोन। मख'नो गोनांदि- बोसोर 1959 माइथायाव दालाइ लामाआ तिब्वतनिफ्राय खारबोनानै भारतआव थाफेदोंमोन। बिथाड ल्हासानिफ्राय थाबाय बोनानै हिमालय हाजोमाखौं बारबोनानै भारतआव फेदोंमोन □

(□ 1 बिलाइनिफ्राय)

## एडभान्टेज आसाम 2.0 खुंजानायनि सिगां राइज्योआव 8 रोजा झुमुर मोसागिरिफोरजों मुलुगनां रेकर्ड आरजिगोन

थांगासिनो। राइज्योनि गुबुन गुबुन जिल्लानिफ्राय फोरेंथाय लानाय गासै सा 8 रोजा मोसाखावरिफोर बे गेदेर झुमुर मोसानाय दिन्थिफुंनय हाबाफारियाव बाहागो लागोन। बे जांरिमिनारि झुमुर मोसानाय दिन्थिफुंनय हाबाफारिया फेगौ 24 फेब्रुवारिखालि गुवाहाटीनि सरसजाइ स्टेडियमआव जागोन। जाँसे बोसोरनि बांसिन गोबाव बोसोरनिफ्राय आसाम, हादत आरो मुलुगनि चाहा दारिमिनाव मोनसे गाहाइ बिफाव लानानै आसामनि चाहा बागानियाफोरनि सम्पद आरो गुनखौं दिन्थिफुंनयनि थाखाय बे गेदेत झुमुर मोसानायनि हाबाफारिखौं थियारि खालामनाय जादों। आसामनि हारिमु बिफाननि मन्थि बिमल बराआ फेगौ 24 फेब्रुवारियाव जानो गोनां गेदेतथर झुमुर मोसानाय दिन्थिफुंनय हाबाफारिनि थाखाय थागथियारि खालामनाय जायगाखौं नायगिदिंहेनानै खौरां लादों। मख'नो गोनांदि, बे हाबाफारियाव हादतनि गाहाइ मन्थि नेरुद मदिआ गाहाइ आलासि महरै बाहागो लाफैगोन आरो बिथांजों लोगोसे हादत आरो गुबुन बाइजो हादतनि गोबां दारिमिनगिरि/फालांगिरिफोरबो बाहागो लाफैगोन □

## कारिगावआव बिर्शा मुन्दा हारिमुआरि मिरु लुफुंनयनि अन्थाइ खाम्फा गायसनबाय

सागानगिरि महरै आरो बिटिआरनि गाहाइ मावफुं सोद्रोमा प्रमद बर' गोरोबथानि रदायखौं मावफुंनानै होनायनि थाखाय दिदें नेमखान्थि बायदिदियै हा फुजा खालामनायनि गेजेरजों हारिमुआरि मिरु लुफुंनयनि थाखाय अन्थाइ खाम्फाखौं गायसनो। बेजों लोगोसेनो मोनसे सावराय मेल लानाय जायो। अन्थाइ खाम्फा गायसन्नाय आरो सावराय मेलनि हाबाफारियाव बिटिआरनि गाहाइ मावफुं सोद्रोमा प्रमद बर'जों लोगोसे मावफुं सोद्रोमाफोर उइलसन हास्दा, रन्जत कुमार बसुमतारि, गौतम दास, इडपिपिएल दोलोनि गाहाइ नेहाथारि राजु नार्जारी, एमसिएलए माधव शेत्रिजों लोगोसे आदिबासि गाव हायुंआरि खुंथायनि गाहाइ मावफुं सोद्रोमा दुर्गा हास्दा आरो आदिबासि हारिनि गुबुन गुबुन आफाद गौथुमफोरनि दैदेनगिरिफोरबो बाहागो लाफायो। ओन्सोलनि गोबां आदिबासि हारिनि सुबुंफोरनि बाहागो लानाय दिनैनि बे सावराय मेलाव बिटिआरनि गाहाइ मावफुं सोद्रोमा प्रमद बर'आ गावनि बिबुंथिनि गेजेरजों सोलिफु आसाम सरकार आरो भारत सरकारआ जर'खायै ट्राइबेल हारिफोरनि थाखाय गुबुन गुबुन बिर्थांखिफोर जागानायनि गेजेरजों फिसा-फिसा हारिखौं जौगाखांहोनो खामानि मावगासिनो थांनयनि बाभ्राखौं यखनानानै सोलिफु बिटिआर सरकारआबो बिटिआरआव थांनय मोनफ्रोमबो हारि- हारिसाफोरजों लोगोसे आदिबासि हारिनि राव, हारिमुखौं समानै जौगालांहोनयनि थाखाय खामानि मावबाय थादों होन्नानै फोरमायो। बिथाड बुंबावोदि, बिर्शा मुन्दाआ माहारियारि थाखोआवनो गनायथि जानाय सासे आदिबासि हारिनि दैदेनगिरिमीन। माहारियारि थाखोआव मान होजानाय हिसाबै जॉनि बड'लेण्डआवबो आदिबासिफोरनि राव आरो हारिमुखौं जौगाहोनयनि थांखिजों बिर्शा मुन्दानि मुडै मोनसे हारिमुआरि मिरु लुफुंनो थाखाय रदाय होनाय जादोंमोन। बे लेखायैनो दिनै आदिबासि हारिनि दैदेनगिरिफोरजों सावरयनानै थिरांथा लानाय बायदिदियै कक्राइरनि कारिगावआव बिर्शा मुन्दा हारिमुआरि मिरुखौं लुफुंनयनि खामानिखौं जागायदों। बे मिरुआ लुफुंजानायनि उनाव बिटिआरनि आदिबासि हारिनि जायखि जाया गेदेर फोर्बांखौं फालिनायनि थाखाय खाबु गोनां जागोन आरो बे मिरुनि गेजेरजों बिटिआरनि दाब-दाब जायगायाव थांनय आदिबासि सुबुंफोर खौंसेयै थुवरु जानायनि खाबुखौं मोन्नो हागोन होन्नानै फोरमायो बिटिआरनि गाहाइ मावफुं सोद्रोमा प्रमद बर'आ □

## फ्रान्स दावबायनायखौं फोजोबनानै गाहाइ मन्थि मदिआ आमेरिका सौहैबाय

आरो ट्राम्पनि फालांगि खान्थिनि थाखाय गाहाइ मन्थि मदिनि आमेरिका दावबाय हैनाया जोबोरैनो मख'जाथावना सानजादों। दरनै हादतनि सानै खुंगिरिनि जथुमनायाव बबे आयदाया सावराय जायो बेयो बयनिबो नोजेराव थागोन। हादतगिरि इमानुवेल मेक्रननि खावलायनाय बादियै गाहाइ मन्थि मदिआ फ्रान्स दावबायनायनि उनाव सानैनि हाबाफारि लानानै आमेरिका दावबाय हैदों। बिथाड हादतगिरि ट्राम्पजों फार्नैनि गोबां आयदाखौं लानानै सावरयनायनि बाभ्रा। गोदान दिल्लीया मिबथि होनाय बादियै-सानै दैदेनगिरिनि जथुमनानै सावरयनाया दरनै हादतनि गेजेराव 'गोनांथार बाहागोदारि' खौं आरोबाव बांहोसिनगोन। मख'नो गोनांदि- आमेरिकानि हादतगिरि जानायनि उननिफ्रायनो डनाल्ड ट्राम्पनि थांखिखौं लानानै जोबोरैनो दान्थे-बिदान्थे जादोंमोन। ट्राम्पनि थांखि बादियै- आइननि बादगायै हाबहैग्राफोरखौं हमनाय, जोनोमारि मोन्थायनि नोगोरारिथाय आइन आरो बिथांनि फालांगि खान्थिनि सायाव दुलाराय बुहुम नाडैनो सावराय जादों। □

## सौहैगोन आं माबोला

सिगाडव नुहरनाय, लैथो बर्रै, बै हाब्रानि सेराव- माबोला सौहैगोन आनि मिजिं। दुखुथिया जिउखौं दुंबुत मेगननि निजिरा- फुगारनो थाखाय सोरबा दड नामा मिजिं? नड नड गुबुन गोसोनि अन्नाय- बरसा खालामनाया आनि जाथावना नड जिउनि। बैथा गैये दिडनि सायाव, थानो साना आं लैथोनि गेजेराव। गबगोन जेबोला बैयाव, बोखानो गैया रावबो बुहुमाव। सोनारा आं रावनिबो सायाव, दावबायगोन आं हारिंडेनो। बै गोजोन बुब्लिनि हाब्राडव- सौहैगोन आं माबोला.....।

**सोरांसार बसुमतारी।**  
**गामि- सानजा मावरियागाव'**  
**जिला- कक्राइर बि टि सि ( आसाम )।**

(□ 1 बिलाइनिफ्राय)

## दिनैनिफ्राय गोजौसिन गेजेरारि जोबथा आब्जाद

मख'नो गोनांदि-गंफ्रोमबो आन्जाद मिरुफोराव 100 मिटर अस्थायव भारतीय न्याय संहितानि 163 धाराबो फोसावनाय जागोन। लोगोसे आन्जाद बर्डीनि जर'खा कन्ट्रल रूमनिफ्राय आन्जाद मिरुनि सिंसिटिबि फोरखौं नोजेराव लाखिनाय जागोन। माखासे सेन्सिटिबि सानजानाय आन्जाद मिरुफोराव पुलिस आरो सिआरपिएफ हान्जा थिसन्नोबो रहा लादों। आन्जाद मिरुनिफ्राय 100 मिटरसिम जायखि-जाया सुबुंफोरनो थांनो एवा ज' जानो मोन्नाय नड। बेजों लोगोसे फरायसाफोरा आन्जाद मिरु सिडव जायख-जाया इलेक्ट्रनिक मुवा-बेसाद, मबाइल फन, स्मार्ट घड़ी आरो केलकुलेटर लानानै थांनो मोन्नाय नड। बेनि अनगायैबो गनायथि लायाजासे आन्जाद मिरुनि साखाथियाव पार्कि खालामनायखौंबो होबथानाय फोसावनाय जादों □

## गिबि मन्थिआ गावनि सिंगापुर दावबायनायखौं फोजोब्बाय

हादतफोराव दावबायहेनानै बै हादतनि गोजौ थाखोनि दारिमिनगिरि/ फालांगिरिफोरखौं लोगो हमनानै सावरयनाया सोलिबाय थादों। बेबायदिनो सानथामनि हाबाफारिजों गिबि मन्थि ७ शर्मांआ सिंगापुरआव दावबायहेदों। थांनय 11 फेब्रुवारिनिफ्राय जागानानै दिनै 13 फेब्रुवारिसिम सिंगापुर दावबायहेनाय समाव सिंगापुरनि लेडइ गाहाइ मन्थ्रनिफ्राय लानानै हादतनि गोबां गोजौ थाखोनि दारिमिनगिरि आरो फालांगिरिफोरजों लोगो हमनानै सावरयदों आरो आसामाव दारिमिन खोन्दोखौं जौगाहोनयनि थाखाय रं बाहायफेनो खावलायदों। बेबायदिनो दिनै जोबथा सानावबो गिबि मन्थि ७ शर्मां सिंगापुरनि गोबां दारिमिनगिरि, रं बाहायगिरि आरो फालांगिरिफोरखौं लोगो हमनानै एडभान्टेज आसाम 2.0 आव बाहागो लानो आरो आसामाव दारिमिन खोन्दोखौं जौगाहोनयनि थाखाय रं बाहायनो खावलायो। गावनि सिंगापुर दावबायनायनि दिनै जोबथा सानाव गिबि मन्थि ७ शर्मांआ एडभान्टेज आसाम 2.0 खो जाफुंसारगोननि मिजिं लानानै फोरमायदोंदि, सिंगापुरनि गोबां गिबि सारिनि दारिमिनगिरि आरो फालांगिरिफोर जॉनि खावलायनायखौं आजावदों आरो आसामाव दारिमिन खोन्दोखौं जौगाखांहोनयनि थाखाय रं बाहायनो गोसो जानायखौं फोरमायदों। सिंगापुरनि दारिमिनगिरिफोर आसामाव दारिमिन गायसन्नायनि गेजेरजों आसाम आरो सिंगापुरनि गेजेराव फालांगिनि मोनसे गोदान लोगोआरि सोमोन्दो जानो थांगासिनो दड। बेनि गेजेरजों आसाम आरो सिंगापुरनि थाखाय फालांगियारि बिथिडव मुलाम्फा जागोन। सिंगापुरनि अनगायैबो गुबुन गुबुन बाइजो हादतनि दारिमिनगिरिफोर जॉनि आसामाव फैनानै दारिमिन आरो फालांगिरिनि मोनसे गोदान जांरिख्खानाय लाबोनो होन्नानै गिबि मन्थ्रिआ फोरमायो। जोबथा बुब्लियाव गिबि मन्थि ७ शर्मांआ सिंगापुरआव थाहैनय आसामनि जोथोन लागिरिफोरखौं लोगो हमनानै बिसोरजों आसामनि माखासे गोनां थासारिफोरनि बागै सावरयो। मुलुगजों फोनांजाबनो थाखाय आसामनि लाइमोनफोरखौं गोहो गोर खालामनो आरो नांसिनि सोलॉंथाइखौं बांहोनयनि थाखाय आसाम सरकारआ थांखि लानायनि बाबैबो गिबि मन्थ्रिआ फोरमायनानै होयो □

## राइज्योनि माखासे जिल्लाफोराव जुब-जुब अखाजो लोगोसे सारअन्थाय गोग्लैगोन, बोथोर बिफाननि सांग्रांथि

सारअन्थायजों खहा जानायनि खौरां मोन्नाय जादों। बेराफार्सें दिनैबो जनाइनि गोबांथार ओन्सोलफोराव सारअन्थाय गोग्लैनानै खहा जादों होन्नानै मिबथिनो मोन्नाय जादों। बेनि गेजेरावनो ओन्सोलारि बोथोर बिफानआ राइज्योनि दर 3 जिल्लाफोराव अखा, बारहुंखा आरो सारअन्थाय गोग्लैगोननि सांग्रांथि फोसावदों। गुबैयै अखं आसामनि डिबुगड, तिनिसुकिया आरो धेमाजि जिल्लाआव येल्ल' एलार्ट फोसावनानै बे दरथम जिल्लाआव दिनैनि गेजेराव अखा आरो सारअन्थाय गोग्लैनो हागौ होन्नानै सांग्रांथि होदों। बेराफार्सें गाबोन एबा 14 फेब्रुवारिनिफ्राय 17 फेब्रुवारिसिम बोथोर बिगियान बिफाननिफ्राय जेबो रोखोमनि सांग्रांथि फोसावनाय नुनो मोन्नाय जायाखै। □

(□ 1 बिलाइनिफ्राय)

## राइज्यो बेंगिरिआ बुसु डिमा फेरि्टभेलआव बाहागो लाहैदों

फोर्बांआ जॉनि समाजखौं खौंसेथि खालामनाय, गोब्राब खामानि मावनाय आरो बयनिबो गोजेराव गोरोबलायनानै थांना थांनयनि मोनसे मोजां खाबुखौं होयो। बिथाड बुंबावोदि, जॉनि सुबुंफोर गुबैयै आबादारि समाजनि थामहिनबा आबादिनि सायावनो बांसिन सोनारो आरो बे समानो आबादारिफोरनि थाखाय जिरायथ'नायनि सम। बे हिसाबै जॉनि साफ्रोमबो आबादारिफोरनि थाखाय बुसु डिमा फेरि्टभेलआ मोनसे गोनां फोर्बां। आबादआ जॉनि थांना थांनयनि रहल' नड, बेयो जॉनि गोदो- गोदायनिफ्राय सोलिबोनय मोनसे दोरोडरि सम्पद। बुसु डिमा फेरि्टभेलआ थारैनो आबाद बिथिडव जॉनि सुबुंफोरखौं थुलुंगा होनायनि मोनसे बिदिन्थि होन्नानै बुसु डिमा फेरि्टभेलखौं खुंनयनि थाखाय डिमासा समाजनो साबायख'र जासियो राइज्यो बेंगिरिया। गावनि बिबुंथियाव बिथाड फोरमायबावोदि, डिमा हासाव, आसाम आरो भारतआव रंखान्थियारि जौगानाय बिथिडव गुबैयै आबादआ मोनसे गाहाइ बिफाव लाबोदों। बुसु डिमा फोर्बां फालिनाया आबादारिफोरनि गोब्राब खामानि मावनायखौं मान होनायनि मोनसे खाबु। जों बयबो आबादारिफोरखौं मान होनांगोन, मानोनो बिथांमोनहा गोब्राब खामानि मावनायनि गेजेरजों दुलाराय हादतनि सुबुंफोरनि थाखाय जाग्रा आदार दिहुनो। आसाम सरकार आरो भारत सरकारआ आबादारिफोरनि रंखान्थियारि बिथिंखौं जौगाखांहोनांगोनि थाखाय गोबांथार बिथांखि जागायदों आरो बेनि सायाव खामानि मावगासिनो दड होन्नानै फोरमायबावो राइज्यो बेंगिरिया। मख'नाय जायोदि, गावनि डिमा हासाव जिल्ला दावबायहेनायनि दिनै नैथि सानाव राइज्यो बेंगिरिया गोदानै लुफुंनय भदेश्वर बड' स्पटर्स कमफलेक्सखौंबो गावनि आखाइजों बेखेवनानै होयो। गावनि डिमा हासाव जिल्ला दावबायहेनायनि जोबथा हाबाफारि बादियै राइज्यो बेंगिरिया जिल्लानि गासै थासारिनि सायाव डिमा हासाव गाव खुंथाइनि गाहाइ मावफुं सोद्रोमा देबलाल गार्लसा आरो गुबुन गोबां मावफुं सोद्रोमाफोरजों मेल जथुमो। □

## बड'लेन्ड मुलुग सोलॉंसालिआव जोहोलाव निलेश्वर ब्रह्म अडिटरियाम हल

गोनांदि-गं 1200 मासि थांनय बे जौगा मान थाखोनि अडिटरियाम न'ब्लांखौं बेखेवनानै बिटिआर गाहाइ प्रमद बर'आ बुडोदि-बड'लेन्ड मुलुग सोलॉंसालिआ सोलिफु समाव खालिबोल' बर' हादबसानिल' जानानै थायाखै, सा-सान्जा ओन्सोलजों लोगोसे दुलाराय भारत हादतनि गेजेरावनो गंसे गोजौ सोलॉंथायनि मिरु जानो हाबाय। बेखायनो बड'लेन्ड मुलुग सोलॉंसालिआव बे रोखोमनि जौगा मान थाखोनि न'ब्लां गंसे गायसन जानायनि उनाव दानिया मुलुग सोलॉंसालिआ बाइदिसिना हाबाफारि खुंनयाव खाबु मोनसिगोन। गुबैयै सोलॉंथायजों लोब्बा गोनां हाबाफारिफोर खुंनो हासिगोन। बिटिआर गाहाइ खुंगिरि बर'आ बे न'ब्लांखौं समाइनायै लुफुंनानै होनाय गुवाहाटीनि ठिकादार मृदुल कलितानोबो साबायख'र होयो।

बिथाड बड'लेन्ड मुलुग सोलॉंसालिनि फारफ्रोमबो बिथिडव जौगाखांनयनि हाबा मावलांगोन होन्नानै मुलुग सोलॉंसालिआव गोनांथि जानायफोरनि सायाव सिगांग्रो गोनांथि होनानै आरोबाव गंसे न'ब्लां गायसन्नायनि थांखि लागोन होन्नानै बुडो। दिनैनि बे बेखेव हाबाफारियाव बड'लेन्ड मुलुग सोलॉंसालिनि भाइस सेन्सेलर बि एल आहुजा, मावफुं सोद्रोमा रन्जित बसुमतारि, एमसिएलए माधव चेत्रि, बिटिआरनि सोलॉंथाय नेहाथारि, बिथोनगिरि आरो बड'लेन्ड मुलुग सोलॉंसालिनि प्रफेसारफोर आरो फरयसाफोरा बाहागो लायो। बड'लेन्ड मुलुग सोलॉंसालिआव गोदानै अडिटरियाम हल एबा गिदिर जिरायसालि न'ब्लां मोन्नो हानानै मुलुग सोलॉंसालिनि फरायसाफोरनि गेजेराव रंजानाय नुनो मोन्नाय जादों। □

## बाक्सानि केशव नोगोरआव ट्राइबेल रेस्ट हाउस बेखेवदों आसामनि मन्थि उखाव गोर ब्रह्मआ

मासिगिरि बिनद मुसाहारि आरो ओन्सोलनि गोबां दैदेनगिरि सानसुमैफोरा बाहागो लादोंमोन। मख'नाय जायोदि, ट्राइबेल रेस्ट हाउसखौं बेखेवखानायनि उनाव खौरांगिरिफोरनि सोथियाव मन्थ्रि उखाव गोर ब्रह्मआ माखासे राजखान्थियारि बिबुंथि लाखियो। बिथाड खौरांगिरिनि सोनायनि फिन्नाय महरै बुडोदि, बिपिएफ दोलोआ 17 बोसोर सरकार सालायबोनयनि उनावबो गादिनि हांखुर जादों। बिसोरो जेसेबां नाजया मानो बिपिएफआ आरो गोजौआव दावखोला। बिपिएफआ थांनाय 4 बोसोराव बरेखा दोलो महरै दडमोन, नाथाय बिपिएफनि दैदेनगिरि हाग्रामा महिलारीआ बरेखा दोलोनि मावनांगौ खामानिखौं थावाखौं। बरेखा दोलोआव थांनायै जुदि, सरकारनि खामानि मावनायफोरखौं सावराया, सोथि खालामा अब्ला बरेखा दोलो हिसाबै बिपिएफनि बिफावआ बहा? बेबायदिजों बिपिएफआ मारै थांनायै थानो? मन्थ्रि ब्रह्मआ बुंबावोदि, फेगौ बिटिसि बिसायख'थियाव बिपिएफ दोलोआ 4-5 मासियाव देहानो हागोन। बेनि उनाव बिपिएफ दोलोआ लाथिख' जागोन। दोलोनि दैदेनगिरि-मावथिफोरा गुबुन दोलोआव हाबगोन आरो बिपिएफ दोलोआव थांनय नड। बे समाव बिपिएफआ जोबोद गाहायाव दावख्खायबाय होन्नानै खौरांगिरिनि सिगाडव फोरमायो आसामनि केबिनेट मन्थ्रि उखाव गोर ब्रह्मआ। □

## मुसलपुरआव बिपिएफ दोलोनि जयनिं हाबाफारि

सोद्रोमा मावथिफोरा बिपिएफ दोलोआव जयनिं जायो। बे जयनिं हाबाफारियावनो बिटिसिनि बारग' गाहाइ मावफुं सोद्रोमा थामहिनबा बिपिएफ दोलोनि आफादगिरि हाग्रामा महिलारीया बाहागो लानानै बिबुंथिनि गेजेरजों दाबि दैखानानै बुडोदि, बिपिएफ दोलोआ बिटिसिआव सेथि मासि, बिजेपिआ नैथि आरो थामथियावबो इडपिपिएल दोलोआ दं। फेगौ बिसाइख'थियाव बिपिएफ दोलोआ 25 बियावआव देरहानानै जाँसे जौखोन्दो सरकार दानाया रोखा होन्नानै बिबुंथिनि गेजेरजों दाबि दैखाडे। खौरां बिजोनि सिगाडव बिथाड मुसलपुरनि बारग' बिएलटिनि मावथिफोरजों सावरयनाय बाभ्राखौं फोरमायो आरो फेगौ बिसाइख'थियाव खौंसेयै खामानि मावनानै बिपिएफ दोलोखौं देरहा होनो हायो, बेनि थाखाय खामानि मावगोन होन्नानै फोरमायो। लोगोसे बिथाड बावैसो बिपिएफ दोलोखौं नागरानानै इडपिपिएल दोलोआव हाबहैनय आसामनि बारग' मन्थ्रि चन्दन ब्रह्म आरो बिटिसिनि बारग' लेडइ गाहाइ मावफुं सोद्रोमा खाम्फा बरगयारिनि खौरांगिरिनि सोथियाव फिन्नाय होनानै बुडोदि, चन्दन आरो खाम्फाया आथिखालाव इडपिपिएल दोलोआव मानसि लांग्रासो। बिपिएफ दोलोनिफ्राय मानसि लांनानै इडपिपिएल दोलोआव जयेन खालाम हांग्रा इडपिपिएल दोलोनि गावबुरानि बिबान मोन्दों होन्नानै फोरमायो। लोगोसे बारग' एमएलए थामहिनबा मुसलपुर जिल्ला बिपिएफ दोलोनि आफादगिरि हितेश बसुमतारिखौं इडपिपिएल दोलोआव हाबहैगोन बाभ्राखौं फोरमायनानै बिथाड बुंथियोदि, इडपिपिएल दोलोआव थांनाय 5 बोसोराव कामान्डारनि मानसिया लांदां जानानै दडेमोन आरो हितेश बसुमतारिआ इडपिपिएल दोलोआव हाबहैनयनि उनावनो बे मासिखौं बिथांनो गथायगोन। आरोबाव बिथाड थांनाय 5 बोसोराव प्रमद बर' दैदेननाय सरकारआ गासैबो बिफानावनो जाख्ल'नाय जादों होन्नानै खौरां बिजोनि सिगाडव अजद होयो। बे जयनिं हाबाफारियाव बिपिएफ दोलोनि मिरु, जिला, प्राइमरि थाखोनि गोबां दैदेनगिरि मावथिफोरखौंबो बाहागो लानायखौं नुनो मोनो। □

## थिंकुबारि गुदि फरायसालिनि हिराथि फोर्बांनि गाहाइ खुन्थिया गायसन्दों

गायसन्नाय हाबाफारिखौं मावफुडे। माफुं सोद्रोमा बसुमतारिआ गावनि धोनजोंनो गेटखौं लुफुंनयनि बाभ्रा। फेगौ 23 आरो 24 मार्सआव हिराथि फोर्बांखौं खुंनो थि खालामदों। बे फरायसालिनि हिराथि फोर्बांया थांनाय 2024 माइथायनि 1 एप्रिल अक्टनिफ्रायनो जागायदोंमोन आरो बेनि सोलॉंथायारि सांग्रांथि मेलखौं लानानै गोबांथार हाबाफारिबो मावफुंनय जाबाय होन्नानै मिबथिनो मोन्नाय जादों। □



# गाहाम देहानि राहा

## गोजां बोथोराव गोथां मैथुनि रोसिया देहाखौ गोखों खालामो

गोथां मैथुनाय गोबां बिबांनि निउट्टियेन्टफोर जैरै-भिटामिन ए, भिटामिन सी, भिटामिन ड, एन्टिअक्सिडेन्ट, फाइबर आरु पटेशियम थायो, बेनिखायनो गोथां मैथुनौ सावस्त्रिनि थाखाय मुलाम्फा गोनां होनना मानिनाय जायो। नेमबादियै गोथां मैथुनि रोसि लोनाया होबथानो हानाय गोहोखौ गोबां गोखों खालामो हागौ, नोंथाड गावनि देहाखौ गोखों खालामो थाखाय मुलियारि गुनफोरजों बुंफनाय बे फिथाइनि रोसिखौ लोनां बांसिन मुलाम्फा मोनो। जुदि नोंथाड गले-ले लोमजाबाय थायोब्ला सामफ्रोमबो गोथां मैथुनि रोसि लोनांगौ। माखासे सप्ताहफोरनि गेजेरावनो,



नोंथाड गाव हारसिडेनो मोजा गोहोम गोग्लैनायखौ नुनो मोनगोन। गोथां मैथुनि रोसि लोब्ला उदैजों सोमोन्दे थानाय जेनाफोर जैरै कनस्तेजेशनफ्राय रैखा मोननो थाखाय, नोंथाड सानफ्रोमबोनि जाग्रा आदारनि बिथांखियाव गोथां मैथुनि रोसिखौ सोफादेरनो हायो। नोंथां मैथुनि रोसिया नोंथांनि सावस्त्रि आरु बिगुर

मोनैनिबो थाखाय जोबोद मुलाम्फा गोनां जानो हागौ। फाइबरजों बुंफनाय गोथां मैथुनि बिदैया लिरथाइ खमायनाय दावबायनायखौ मख 'जाथाव महरै गोरलै खालामो हागौ। गोथां मैथुनाय मोन्नाय गुदि मुवाफोरा। देहानि मेटाबलिज्मखौ बांहोनायाव गोहोम गोनां जानो हागौ।

# 24 थि भारत रं महात्सभआव कम्फर्ट वुमेन: एन आनटल्ड हिस्ट्रीखौ दिन्थिदों

गुवाहाटीआव थानाय थियेटर ग्रुप अभिज्ञानमनि बान्जायनायाव खुनाय असमिया फावथिना 'कम्फर्ट वुमेन: एन आनटल्ड हिस्ट्री' खौ भारतनि इन्टरनेशनल थियेटर महात्सभ 24 थि भारत रं महात्सभआव दिन्थिनाय जादों। बे महात्सभखौ भारत सरकारनि हारिमु मावख 'नि एडगिसआव एनएसडि, गोदान दिल्लीआ खु'दों मोन। थानाय 28 जानुवारीनिफ्राय जागायनाय आरु फेगौ 16 फेब्रुवारीसिम सोलिनो गोनां बे महात्सभखौ भारतनि दर 8 राइज्योफोरजों लोगोसे न 'सुंसे हादत नेपाल आरु श्रीलंकायावबो खु'नाय जादों। कम्फर्ट वुमेन: एन आनटल्ड हिस्ट्रीखौ थानाय 6 फेब्रुवारी 2025 आव झारखान्डनि रान्चीआव



दिन्थिनाय जादों, जेराव गोबां अन्सायनाय मोन्दों। रणहां चौधुरीनि लिस्नाय आरु बिथोन होनाय बे असमिया फावथिनाया सिगांआवबो गोबां प्लेटफोराव

बाखायजाखांबाय, जेराव 13 टि मेट थियेटर फेस्टिवलआव टप 10 आव जायगा मोन्नायबो दंफायो। बे फावथिनाया दावहानि समाव आइजोफोरनि गिखंथाव आरु दाहा गोनां

मोन्दांथि, बिसोरजों अराय लोगोसे थाफानाय गोसोनि जोखोमफोरखौ बेयाव दिन्थिदों। धीरज तालुकदार-रिपम भारद्वाज, अपुर्वा बर्मन निरुजय दस, रिमझिम डेका,

अजन्ता हाज 'रिका। दिपानविता दास, मिनाक्षी डेका, अर्चना कुमारी, तारली बसुमतारी, बरशा दास आरु सुनितानि गोखों फावखौ बेयाव नुनो मोनो। बर्मननि प्रडाक्सनआ अन्साइगिरिफोरनि गोसोआव गोथौ आगान सेबखंहोनेो हादों। फावथिनानि बिथोनगिरि श्री रानहं चौधुरीआ बुंदों। भारत रं महात्सभआव कम्फर्ट वुमेन: एन आनटल्ड हिस्ट्रीखौ दिन्थिनाया मोनसे फोथायनो गोब्राव यात्रा। बेयो मोनसे जौखंआवल 'दिन्थिजानाय नड, बेयो बै सानथ्र'हायै एबा मुं मख 'जायै आइजोफोरनि बुंथिनो हायै बै सल'नि राव, जायफोर सिरिये दुखु-दाहा सहायदों।

## मुंदांखा फेशन इन्डस्ट्रीनिफ्राय दुखु नांथाव खौरां सोरांआव फैदों

बावैसो सिगां फेशन इन्डस्ट्रीनिफ्राय मोनसे जोबोद दुखु नांथाव खौरांआ सोरांआव फैदों। बबेखानि करियानि सासे मुंदांखा फेशन डिजाइनार किम रिउलआ 32 बोसोर बैसोआव बुहुमखौ नागारनानै थांबाय। बिथानि जिउ गोमानाय खौरांआ बयखौबो सोमोनांहोदों। बिथानि जिउ गोमानाय खौरांजों गासै फेशन इन्डस्ट्रीआव दुखुनि दोहो सोमजिदों। अदेबानि बिथानि गोमानाय जाहोननि सोमोन्दे दासिमाव जेबो खौरांआ सोरांआव फैयाखै। बिथानि नख 'र बिथानि जिउ गोमानाय खौरांखौ रोखा खालामदों। किम रिउलआ बिटिएस आरु मनस्टा एक्स बायदि गिदिर के-पप आइडल्सनि थाखाय ड्रेस डिजाइन खालामखांबाय,

जायजों बिथाडा जोबोद सिनायथि मोन्नो हादोंमोन। बिथानि बाडइ बैसोयाव जिउ गोमानायखौ अन्साइगिरि आरु इन्डस्ट्रीनि सुबुंफोर दुखु मोन्दों आरु सशेल मिडियाआव बिथांखौ बिबार बाउहरदों। किम रिउलनि जोनोमा 1993 आव खोला करियानि सा जिअला मुंनि वनआव जादोंमोन। बिथाडा फेशन डिजाइनार हिसाबै गावनि केरियारखौ जागायदोंमोन आरु 2016 माइथायाव गावनि ब्रान्ड 'रिउल'खौ लन्च खालामदोंमोन। जर 'खायै बिथांआ हनबक डिजाइनिंआव गावनि मोनसे आलादा सिनायथिजों बानायदों आरु करियानि गानग्रा ड्रेसफोरखौ मडान टाच होदों। बिटिएसनि मेम्बार्सनि थाखाय बिथानि



डिजाइन बानायनाय ब्लेक आउटफिटसखौ जोबोद बाखायनाय जादोंमोन, जायजों बिथानि मुड ग्लबेल थाखोयाव खौरांआव थादोंमोन। सुलुनि बायदिल्ला, किम रिउलखौ 2023 आव फेमास फर्ब्स 30 अन्डर 30 एशिया लिस्टआव मुं थिसननाय जादोंमोन। बाडइ बैसोयाव बेफोर बायदि मोन्नो हानाय एबा जाफुंसारनाया थारैने

आथिखालाव सावथुनफोरनि बक्स अफिसआव 100 कौटि रां कालेक्सन खालामनाया सरसन्ना बाथ्रा जाबाय। थानाय माखासे बोसोराव बे बायदिनो माखासे सावथुनफोर रिजिज जादों, जाय बक्स अफिसआव 100-200 कौटि रां एबा बेनिखुइ बांसिन कालेक्सन खालामदों। जेब्ला 100 कौटि रां सावथुनफोरनि बाथ्रा सावरायनाय जायो अब्ला 2000 माइथायाव नुजाथिनाय 'गजनी' आरु 3 इडियटल' बायदि सावथुनफोरनि मुंआ फेयो। बे सावथुनफोरा नख 'रारि बक्स अफिसआव बेफोर बायदि अन्जिमाखौ आरजिदोंमोन, नाथाय नोंथांमोनहा मिबथियोब्ला गोमोहाबगोनदि, गिबि 100 कौटि रांनि सावथुना 80 थि जौथायाव रिजिज जादोंमोन। बे सावथुना बक्बर



सुभाषनि डाइरेक्सनवा बानाय जानाय 'डिस्क डान्सार' मोन, जाय हारिमायारि थाखोयाव 100 कौटिनिखुइ बांसिन रां आरजिदोंमोन। बियो गिबि बलिउड सावथुनमोन। बेयो मोनसे मिउजिकेल ड्रामामोन, जाय ब्लकबास्टार जाना नुजाथिदोंमोन आरु बेयो गासै बक्स अफिसनि रिक्डखौ सिमफायदोंमोन। बेजों लोगोसे

मिथुन चक्रवर्तीखौबो जर 'खा सिनायथि मोन्दोंमोन। रिजिजनि उनाव, डिस्क डान्सारआ भारतीय बक्स अफिसआव 6 कौटि रांनिखुइ बांसिन रां आरजिदोंमोन आरु गुबुन हादतनि रां आरजिनायाव रिक्ड सिमफायदोंमोन। सावथुन गुबुन हादतनि रां आरजिनाय बिथिंआव गासै सावथुनफोरखौ उन फारसे खालामदोंमोन। बे सावथुना

1984 आव रुसआव खमैबो 60 मिलियन रुबननि कालेक्सन खालामदोंमोन। बेजों लोगोसेनो डिस्क 'डान्सारनि वर्ल्ड वाइड रां आरजिनाया 100.68 कौटि रांसिम सौहैदोंमोन। डिस्क डान्सारनि बाथ्रा सावरायोब्ला बेव मिथुन चक्रवर्तीनि अनगायै कल्पना अय्यर, राजेश खाला, किम यज्ञपास आरु अमपुरि बायदि फावगिरिफोर दंफायो।

## महाकुम्भनि भाइरेल गार्ल मनालिसानि फल 'वार्स लिस्टखौ नुनानै बयबो गोमोहाबदों



प्रयागराज आव सोलिबाय थानाय महाकुम्भआव माला फान्ठो थानाय मनालिसा भसलेआ आथिखालाव जेरावबो गोसारनानै दं। महाकुम्भनिफ्राय जैरैनो बिथानि सावगारि भिडिअफोरा भाइरेल जादों, बिथांआ सावथुनफोरनि अफार मोन्नो हमो। गावनि मेगन बेरसांजों बयखौबो जादु खालामनो हानाय मनालिसाया गावनि खाफालखौ गोजों खालामनो थाखाय आथिखालाव मुम्बाइआव सौफेबाय। बावैसो सिगां मनालिसाआ गावनि मोनसे भिडिअबो शेयार खालामदों, जेराव बिथांखौ अनुराधा पडवालनि मुंदांखा मेथाइ 'तेरे नेना मेरे नेनो से बातें करती है' आव लिप्सिं खालामनाय नुनो मोन्दों। भाइरेल गार्लनि बे भिडिअया

जोबोद खौरांआव थादों। नाथाय, मनालिसाजों लोब्बा थानाय मोनसे बाथ्रा जाय खौरांआव थादों, बेयो जादों बिथानि इन्स्ट्रामनि फल 'वार्स लिस्ट। मनालिसानि इन्स्ट्रामनि फल 'वार्स लिस्टआव सासे फावखुंग्रिनि मुंखौ नुनो मोन्दों, जायखौ नुनानै बयबो गोमो हाबदों। मनालिसानि फलवार लिस्टआव बे फावखुंगुरनि मुंखौ नुनानै बयबो गोमो हाबो आरु बेखौनो सोंथि खालामगासिनो दंदि, थारैने बे फावखुंगुरआ मनालिसाखौ माबोरैहाय फल 'खालामथावो। मनालिसानि फल 'वार्स लिस्टआव बलिउडनि मुंदांखा फावखुंगुर सुशान्त सिंह राजपुरनि मुंआबो दंफायो। भाइरेल गार्लआ रावबो इन्स्ट्राममाव सा 5 सुबुंफोरखौ फल 'खालामो आरु

मनालिसानि इन्स्ट्राममाव 14.3 के फल 'वार्सफोर दं, जेराव सुशान्त सिंह राजपुरनि मुंआबो दंफायो, जाय बिथांआ जुन 2020 आव बे बुहुमखौ नागारनानै थांबाय। बेनिखायनो भाइरेल गार्लनि इन्स्ट्राममाव फल 'वार्स लिस्टआव सुशान्त सिंह राजपुरनि मुंखौ नुनानै बयबो गोमोहाबदों। मिबथि होनाय जायोदि, मनालिसाहा मुम्बाइआव एक्टि क्लासआ जागायबाय। मनालिसाखौ डायरेक्टर सनज मिश्राआ एक्टि फोरोंगासिनो दं आरु लोगोसेनो बिथांखौ लिरनाय-फरायनायखौबो फोरोंगासिनो दं। मनालिसाया मध्य प्रदेशनि खरगन जिल्लानि सिडाव थानाय महेश्वरनि थागिबि।

## 'इन्डियाज गट लेटेन्ट' स्व 'खौ लानानै मुम्बाइ पुलिसआ नायबिजिरनायखौ गोख्रैसिन खालामदों

इउटुब आरु स्टेन्डआप कमेडियन समाय रैनानि स्व 'इन्डियाज गट टेलेन्ट'खौ लानानै मुम्बाइ पुलिसआ नायबिजिरनायखौ गोख्रैसिन खालामदों। खार पुलिसआ बे बिथिंआव दासिम सा 6 सुबुंफोरनि फिन जाथाय थिसनबाय। पुलिसआ स्व 'आव जाज हिसाबै बाहागो लानाय आशिष चन्वलानि आरु अपुर्वा मखिजाजों लोगोसे स्व 'जों लोब्बा थानाय साथाम टेकनिके ल सुबुंफोरनि फिनजाथाइ थिसनबाय। बेजों लोगोसेनो पुलिसआ बै स्टुडियनि बिगुमा बलराज धाइनबो फिनजाथाइखौ थिसन्दों, जेराव बे स्व 'नि



सुटिंआ जादोंमोन। मुम्बाइ पुलिसआ दासिमाव बे बिथिंआव केस थिसनो थाखाय जेबो थांखि लायाखै। पुलिसनि

बुंनाय बायदिल्ला बिथांआ स्व 'जों लोब्बा थानाय सुबुंफोरनि फिनजाथाइखौ थिसनगोन आरु बेनि उनाव केस थिसननायनि

थांखि लागोन। बेनि गेजेराव पुलिसनि सौलु खालामनायाव आशिष चन्वलानि आरु अपुर्वा मखिजाआ माखासे बाथ्राखौ

सोरांआव लाबोदों। अपुर्वा माखिजा आरु आशिष चन्वलानिआ खार पुलिसनो होनाय गावनि फिनजाथाइयाव बुझेदि, इन्डियाज गट टेलेन्ट स्क्रिप्टेड थाया। स्व 'आव जाजफोर आरु पारटिसिपेन्टफोरखौ मिबथि होनाय जायोदि, नोंथांमोनहा गुवारै बाथ्राखौ सावराय। इन्डियाज गट टेलेन्टआव जाजफोरनो जेबो पेमेन्ट होनाय जाया। अदेबानि, स्व 'नि कन्टेन्टआव जाजफोरखौ गावसिनि सशेल मिडियाआव पस्ट खालामनायनि गनायथि थायो। बे स्व 'आव नायगिरि हिसाबै बाहागो लानो थाखाय टिकेटफोर लानो गोनां जायो। टिकेट फान्नायनिप्रय जेसेबां रं फेयो, बेखौनो स्व 'नि देहगिरिनो होनाय जायो। समय रैनानि उकिलफोरा मुम्बाइ पुलिसनि सिडाव नुजाफैनायनि थाखाय सम बिदोंमोन। बेनि उनाव मुम्बाइ पुलिसआ समय रैनानि टीमखौ रोखायै बुझेदि, पुलिसनि नायबिजिरनाया गोबाव समसिम थाथ 'नो हाया बेनिखायनो समयआ इनक्वेरि जागायनाय साननिप्रय लानानै 14 साननि गेजेराव पुलिसनि सिगाडव नुजाफैथार नांगोन।

## एनिमेटेड मिउजिकेल-कमेडि सिरिज फिनिस आरु फर्बआ नुजाथिफैसिगोन

हिट एनिमेटेड मिउजिकेल कमेडि सिरिज फिनिस आरु फर्बआ बे बोसोरनि गोलोम बोथोराव गोबाव समनि उनाव नुजाथि फैसिगोन। सिरिजनि लोगो-दिहनुगिरि डेन पवेनमायय आरु जेफ स्वेम्पि मार्शाआ रोखा खालामोदि, गोदान सिजननि प्रिमियारआ डिज्जि चनेल आरु डिज्जि प्लास मोन्नाय जागोन। चुंकि पिनिंस आरु फर्बआ गाहायै गोलोम बोथोरनि बन्द 'फोरनि रंजानाय, बेनिखायनो गोदान सिजननि जागायनायनि थाखाय गोलोम बोथोरनो साबसिन सम। बिथाडा बेखौबो नोजोर होयोदि, बेयो दासिमनि साबसिन सिजन जानो हागौ। डिज्जि ब्रान्डेड टेलिभिजनआ बयनिखुइ सिगां 2023 आव रिभाइभेलखौ फोसावदोंमोन,

सुटिंआ जादोंमोन। मुम्बाइ पुलिसआ दासिमाव बे बिथिंआव केस थिसनो थाखाय जेबो थांखि लायाखै। पुलिसनि



जेराव रोखा खालामनाय जायोदि, पिनिंस आरु फर्बआ मोन्ने सिजनआव मोन 40 गोदान एपिसडजों लोगोसे फैफिनगोन। डिज्जि ब्रान्डेड टेलिभिजननि आफादगिरि अय 'डेभिंसआ स्व 'नि टाइमलेस एपिलनि सायाव गोसो होदों। बेयाव भिन्सेन्ट मार्टोलाआ फिनिसनि महराव, डेभिड एरिग 'आ जुनियर फर्बनि महराव, एशले टिस्टेलआ केन्डेसनि महराव, केरलिन लियाआ लिन्डानि महराव आरु डि ब्रेडलि बेकरआ पेरि द प्लेटिपसनि महराव फैफिनबाय। एलिसन स्तनारआ इसाबेलनि महराव गावनि फावखौ फिन दिन्थिफुंगोन। अदेबानि डेन पवेनमायय आरु स्वेम्पि मार्श क्रमशः ड. हेन्ज डुफेनशर्मटज आरु मेजर मनग्रामनि महराव फैफिनबाय।

बुंनाय बायदिल्ला बिथांआ स्व 'जों लोब्बा थानाय सुबुंफोरनि फिनजाथाइखौ थिसनगोन आरु बेनि उनाव केस थिसननायनि



## जेभलिन खुबैनायाव सचिनआ सनानि मेडेल देरहादों

गोदान दिल्ली, 13 फेब्रुवारी: उत्तर प्रदेशनि जेभलिन खुबैनायाव सचिन यादव, हरियानानि 18 बोसोर बैसोनि हाइ जाम्पार पुजा सिंह आरो हिमाचल प्रदेशनि लं जाम्पार सावन बेरवालआ एथलेटिक्स इभेन्टनि जोबथा सानखालि नेसनेल गेम्सआव रेकर्डजों सनानि मेडेल देरहादों। निर'ज चप्रा आरो किशर जेनामोननि बाहागो गैयैआव स्टार गेलेगिरि सचिनआ गावनि बाथि आरो जोबथा नाजानायाव 84.39 मिटार जान्थायजों सनानि मेडेल देरहादों। जेराव बे जान्थायजों यादवआ 2015 आव राजिन्दर सिंहनि 82.23 मिटारजों नेसनेल गेम्सआव रेकर्ड थिसन्नायखौ सुद्रायदों। बिथानि बे दिन्थिफुं'नाया नेसनेल गेम्सआव बाथि मासिआव



जायगा मोनो। जायनि फारिआव निर'ज चप्राणि 89.94 मिटार जान्थाया गिबिसिन आरो किशर जेनानि 87.54 जान्थाया नैथियाव जायगा मोनो। नेसनेल गेम्सआव जेभलिन खुबैनाया बे इभेन्टआव सिलभार आरो ब्रन्ज मेडेलखौबो उत्तर प्रदेशनि गेलेगिरिफोरानो देरहादों। जेराव बे राइज्योनि रहित यादवआ 80.47 मिटारजों नैथि आरो भिकाश

शर्माआ 79.33 मिटारजों थामथि मासिआव थादों। गुबुन फार्सें हाइ जाम्पआव पुजाआ 1.84 मिटार जौथायजों 2023 नि सिजनआव देरहानाय आइजोफोरनि इभेन्टआव देरहानाय मेडेलखौ फिन लाखिफिनो हादों। 5,000 मिटार रेसआव बेरवालआ 13 मिनिट 45.93 सेकेन्ड समजों सनानि मेडेल देरहादों।

गुवाहाटी, 13 फेब्रुवारी: सोलिफु सिजनआव नर्थ-इस्ट इनाइटेड एफसिआ ड्रान्ड काप देरहानाय उर्नफ्रायनो खौरांफोरनि हेडलाइनआव जायगा मोनबोदों। जेराव बे हान्जाया हायुडरि थाखोनि बे बादायनायाव मोजाडै दिन्थिफुंनानै गावसोरनि गोखों थियारिखौ फोरमानआव लाबोदों। सोलिफु समाव 6 थि थावनिआव जायगा मोन्नाय नर्थ-इस्टनि हान्जाया आइएसएल प्लेअफनि थाखाय क्वालिफाइ जानो नारा-नाथा नांथाबनानै दड। जेराव हान्जानि जानानै आलादिन आजारे, जितिन एमएस आरो नेस्टर आल्थियास बायदि गेलेगिरिफोरनि मुडा गिबियाव जायगा मोनो। नाथाय बे समाव हान्जानि मेकार्टन लुइ

## नर्थ-इस्ट इनाइटेड एफसिनि मेकार्टन निक्सननि जिउ जारिमिनआ थुलुंगा गोनां



निक्सननि जिउ जारिमिनआ बयखौबो सोमोनां होयो। कर्नाटकनि 20 बोसोर बैसोनि मिड फिल्लार नेक्सनआ नर्थ-इस्ट इनाइटेडनि गोखों गेलेगिरिफोरनि गेजेराव जायगा मोनो। जेराव बिथाड खेब 17 नुजाथिनायाव गरने गल आरो गरसे गलआव हेफाजाब होनानै मिडिफलडआव गावनि गोहोखौ दिन्थिफुंदों। बिथाड

गावनि दिन्थिफुंनयजों बयनिबो गोसोखौ देरहादों। बारग' भारतयारि हरिमायारि फुटबल गेलेगिरि लुइस नेक्सननि नख'रआव जोनोम मोन्नाय मेकार्टनआ उन्दै समाव गेलेनायनि फार्सें गोसो गैयामोन। जेराव बिथाडा खौरांगिरिनि मोगा-मोगिआव अब्बाबो फुटबलआ गावनि जिनआव हाबनानै थानाय महरै

गावनि बिफानि थुलुंगा आरो नाजानायजों गावजों लोमोसे फं'बाय सानैआबो फुटबल गेलेगिरि जादों होना फोरमायो। बिथाड फोरमायनाय बादिब्ला, उन्दै समाव गावसोर फुटबलनि अनगायै मोनबो गेलेमुखौनो गेलेयाखैमोन। जायनि थाखाय गावसोरनि थैयाव फुटबल मोजां मोन्नाया थाखानाय महरै बेखौ जिउ राहायारि गेलेनायाव

जाफु'सारनो हादों होन्ना फोरमायो। बिथाड गावनि गुबुन गेलेगिरिफोरखौ फुटबलनि फोथारआव हाबनो थाखाय जर'खायै गोसो होनांनयखौ फोरमायो। नाथाय गावनि हान्थिनायाव बिफानिफ्राय नां'गोबादि मदद मोन्नायखौ फोरमायदों। बिथाड फोरमायनाय बादिब्ला, गावनि बिफाया गावखौ गेलेनायाव गोबां मदद खालामनायजों लोमोसे फरायनाय फार्सेंबो नोजोर लाखिहोदोंमोन। बिथानि केरियारआव मोनसे सोलायनाय बिन्दोआ नर्थ-इस्ट इनाइटेडजों आइएसएलनि थाखाय रदाइ खानायनि उनाव फेदों। जेराव इनाइटेडनि सिइअ मन्डार तामहानो आरो लेडइ कच नौसाद मुशानि गावखौ गानायनायाव के रियारआव आवगायनाय फार्सें गोनां मदद मोन्दों होनानै फोरमायो। जेराव बे गेलेनाय समाव बिथामोननिफ्राय गावनि गोबां मदद मोन्नायखौ फोरमायो।

## टाइटान क्लबआ रश्मी बाला तामुली क्रिकेट लीगनि बिमुं देरहादों



गुवाहाटी, 13 फेब्रुवारी: टाइटान क्लबआ गुवाहाटी नोगोरमनि नेहरू स्टेडियमआव बादायनाय फाइनाल मेचआव इयं एमाचुर क्लबखौ 11 रानजों फेजेन्नानै रश्मी बाला तामुली जिएसए बि डिभिजन क्रिकेट लीगनि बिमुंखौ देरहाबाय। गिबियै बेटि खालामनो खाबु

मोन्नाय टाइटाननि हान्जाया गावसोरनि 20 अभांरनि बेटिआव 119/6 रान लादों। जायनि फारिआव रबिराज सिंहआ 27, सुजित गवालाआ 26 आरो रजत पालिकआ 21 रान लादों। बे समआव इयं एमाचुरनि जानानै भिकी आलीआ मोजाडै दिन्थिफुंदों।

जेराव बिथाड बलिनि समाव 2/11 उइकेट लादों। बे राननि फिनायाव इयं एमाचुर क्लबआ 20 अभांरआव 108/9 रान लादों। जेराव लल्ला रामआ बलिनि समाव 4 अभांरआव 22 रान होनानै देरहानाय हान्जानिफ्राय 4 उइकेट लादों। बेटिनि समाव इयं एमाचुरनि जानानै रजिब शेन्निआ बयनिखुइ बांसिन 32 रान लादों। जेराव सुमित बास्फरआ 21 राननि बिहोमा होनो हादों। मोननैबो हान्जाया बेनि गेजेरजों जानो गोनां सिजनआव ए डिभिजन लीगआव गावसोरनि मासिखौ लानो हाबाय। बे इभेन्टनि जोबनाय फोर्बोआ मुंदांखा क्रिकेट कच नभाक आलीआ गाहाइ आलासि महरै

नुजाथिफेदों। जेराव राइज्योनि बारग' क्रिकेटार उं प्रनभ भक्ताचार्यआ माननि आलासि, नर्थ-इस्ट केन्सार हस्पिताल एन्ड रिचार्स सेन्टरनि डिरेक्टर गनेश तामुली, जिएसएनि आफादगिरि पेश चन्द्र दास आरो गुबुन गुबुन बिबानगिरिफोर नुजाथिफेदों। बे मेचआव मेन अफ दा पाइनाल बिमुंखौ टाइटाननि लल्ला रामआ देरहादों। जेराव बे हान्जानिनो जानानै बिथाडनो बयनिखुइ साबसिन बलारबो सायख'जादों। बे फारिआव इयं एमाचुरनि सुमित बास्फरआ साबसिन बेटसमेन सायख'जादों आरो बे हान्जानिनो जानानै सुमितआनो मेन अफ दा टुनांमेन्टनि थाखायबो सायख'जानो हादों।

## भारतनि बेडमिन्टन एसिया मिक्स टीम सेम्पियनसिपआव देरहानायजों जागायदों

गोदान दिल्ली, 13 फेब्रुवारी: थानाय सिजननि ब्रन्ज मेडेलिस्ट भारतआ किंदाअ स्पर्टस सेन्टर कनसन जिम्नेसियाआव बादायनाय मेचआव गुप-डिआव माकाअखौ 5-0 स्करआव फेजेन्नानै बेडमिन्टन एसिया मिक्स टीम सेम्पियनसिप 2025 नि केम्पेनखौ जागायदों। भारतआ बे देरहानायजों नकआउट स्टेजसिम गावसोरनि लामाखौ सुखानो हादों। 2023 नि ब्रन्ज मेडेलिस्ट भारतआ गुप स्टेडिंखौ थि खालामनाय लामायाव नैथि गुप स्टेजआव खोला करियाजों



मोगा-मोगि जागोन। जेराव मोनफ्राम गुपनिफ्राय साबसिन मोननै हान्जाया नकआउट स्टेजआव सौहैगोन। नेसनेल गेम्सआव गलाय-गथाय जावजाआव सनानि मेडेल देरहानाय सतिश करुना करन आरो अद्या भरियाथआ टाइनि गिबि गलाय-गथाय जावजा बादायनायाव लियं आयक सां

आरो एनजि वें शिनि जराखौ 21-10, 21-9 स्करआव फेजेन्नानै गावसोरनि हान्थिनायखौ जागायदों। लक्ष्य सेनआ बेनि उनाव हौवाफोरनि सिंगेल्सआव पुइ पां फंखौ 21-16, 21-12 स्करआव फेजेन्नानै भारतखौ 2-0 स्करआव आवगायहोदों। मालबिका बन्सतआ

आइजोफोरनि सिंगेल्सआव सां हाअ वाइखौ 21-15, 21-9 स्करआव फेजेन्नानै नकआउट स्टेजआव भारतनि लामाखौ रोखासिन खालामदों। भारतआ हौवाफोरनि जावजाआव एमआर अर्जुन आरो सिराग शेतिनिफ्राय मिजिंथि बादि दिन्थिफुंनयखौ मोन्दों। जेराव बिसोर सानैआ माकाअनि पुइ आरो बं कक वेंनि जराखौ 21-15, 21-9 स्करआव फेजेन्नानै भारतखौ 4-0 आव आवगायहोयो। बेनि उनाव गायत्री गपिचान्द आरो त्रिचा जलीनि आइजो जराआ केक'आव एनजि वें शि आरो पुइ शि वाखौ 21-10, 21-5 स्करआव फेजेन्नानै भारतनि स्कर लाइन्खौ 5-0 आव लाबोदों।

## केकेआरआ आइपिएल सेम्पियनसिप फालिथायनि थाखाय टूफी दैथायनि राहा लागोन



गुवाहाटी, 13 फेब्रुवारी: सोलिफु इन्डियन प्रिमियर लीग (आइपिएल) नि सेम्पियन कलकाटा नाइट राइडर्स (केकेआर) आ गावसोरनि सेम्पियनसिप फालिथायनि बाहागो महरै टूफी दावबायनाय एबा दैथायनायनि राहाखौ लागोन। 14 फेब्रुवारीनिफ्राय जागायजेन्नो गोनां बे दावबायनाया फेगौ 12 मार्चआव कलकाटासिम सौहैनायनि सिगां मुंदांखा आइपिएल टूफीखौ गुबुन गुबुन नोगोरफोरसिम दैबायनाय जागोन। जेराव बे टूफीखौ दैबायनाया 14 फेब्रुवारीखालि गुवाहाटीनिफ्राय जागोन। जेराव टूफीखौ सिटि सेन्टर मलआ दिन्थिफुंनय जागोन। दैबायनाय बे हाबाफारिआव भुबनेश्वर, जामशेदपुर, रान्चि, गेंटक, सिलिगुरि, पाटना, दुर्गापुर आरो कलकाटाआबो खाबु मोनगोन। मख'नाय जायोदि, बे दैबायनायजों नोगोरनि सुबुंफोरखौ आइपिएलनि फार्सें सांग्रांथि लाबोनाय जायो। आइपिएलनि जारिमिनआव बेयो गिबि खेब जागोन। जेराव मोनसे फ्रेन्साइजी हान्जाया गावसोरनि सहरनि बाइजोआव मोनसे टूफी दैबायनायनि हाबाफारिखौ लादों। बे हाबाफारिनि गेजेरजों हादरनाडै नो के के आरनि अन्सायगिरिफोरनो टूफीखौ नायनो आरो गावसोरनि हान्जानि जाफु'सारनायखौ मिथिहोनो नोजोर लाखिनाय जादों।

गोदान दिल्ली, 13 फेब्रुवारी: भारतनि निकी पुनासा आरो जिम्बाबवेनि कर्टनी जन लकआ गोदान दिल्लीनि डिएलटिए कमप्लेक्सआव बादायनाय मेचआव चेक रिपब्लिकनि मारेक गेंगेल आरो दालिबर सचिनाखौ 2-6, 7-6(5), 10-6 स्करजों फेजेन्नानै दिल्ली अपेन 2025 आव गावसोरनि डबल इभेन्टनि केम्पेनखौ जागायजेदों। नैथि रेंकिनि भारत-जिम्बाबवेनि जराआ गिबि सेटआव जेनादोंब्लाबो नैथि आरो जोबथा सेटआव देरहानायजों गावसोरनि गोखों आगानखौ लाखिदों। सिंगेल बादायलायनायाव मुखन्द सचिकुमारआ राउन्ड अफ 16 आव बेल्जियामनि माइकेल

## निकी पुनासा आरो जन लकआ दिल्ली अपेनआव देरहानायजों जागायदों

गोदान दिल्ली, 13 फेब्रुवारी: भारतनि निकी पुनासा आरो जिम्बाबवेनि कर्टनी जन लकआ गोदान दिल्लीनि डिएलटिए कमप्लेक्सआव बादायनाय मेचआव चेक रिपब्लिकनि मारेक गेंगेल आरो दालिबर सचिनाखौ 2-6, 7-6(5), 10-6 स्करजों फेजेन्नानै दिल्ली अपेन 2025 आव गावसोरनि डबल इभेन्टनि केम्पेनखौ जागायजेदों। नैथि रेंकिनि भारत-जिम्बाबवेनि जराआ गिबि सेटआव जेनादोंब्लाबो नैथि आरो जोबथा सेटआव देरहानायजों गावसोरनि गोखों आगानखौ लाखिदों। सिंगेल बादायलायनायाव मुखन्द सचिकुमारआ राउन्ड अफ 16 आव बेल्जियामनि माइकेल




गिरतसजों 6-4, 6-3 स्करआव जेन्नानानै इभेन्टनिफ्राय जायखारनाडो। बे समाव थामथि मासिनि तुस्तन स्कुलकेटआ भेलिन्टिन भासिरडनि हेंथायै 3 घन्टानि गोखों सेलेन्जआव गोब्राब नाजानायजों 7-6, 3-6, 6-4 स्करआव देरहादों। क्वालिफायर आन्द्रे इलानगनि गोखों दिन्थिफुंनयबो बे समाव

बिथानेखौ आवगायनायाव मदद खालामदों। जेराव बिथाडा गावनि हान्थिनायाव आमेरिकानि मुंखौ गोजौआव लाखिदों। जेराव बिथाडा 8 थि मासि मोन्नाय तिमाफी स्करभखौ 6-2, 6-3 स्करआव फेजेदों। बे समाव प्रन्सनि कइरियान जेन्नेट्टा इलेन्डनि जे क्लार्कखौ 7-5, 6-3 स्करआव फेजेनो हादों।

## आसामनि मिक्सड नेटबल हान्जाया 38 थि नेसनेल गेम्सआव मेडेलनि मिजिंथि लाबोदों

गुवाहाटी, 13 फेब्रुवारी: सोलिफु समाव उत्तराखण्डआव खुं'जानाय 38 थि नेसनेल गेम्सआव आसामनि मिक्सड नेटबल हान्जाया गावसोरनि मेडेलनि मिजिंथिखौ फारियै लाखिदों। आसामनि हान्जाया बे इभेन्टनि गिबि मेचआव तेलेंगानानि हेंथायै 14-26 स्करआव स्करआव जेनादों। नाथाय बेनि उनाव गोखोडै दिन्थिफुंनानै कर्नाटकखौ 13-28 स्करआव फेजेन्नानै आवगायफिन्दों। आसामनि हान्जाया बे खेबआव जोबथा गुप स्टेज मेचआव बान्जायगिरि उत्तराखण्डजों मोगा-मोगि



जागोन। जेराव मोनसे देरहानाय हान्जाया बेनि गेजेरजों सेमिफाइनलाव गावसोरनि मासिखौ लाहैगोन। बेबादि थासारिआव आसामनि हान्जाया बे मेचखौ जैरिखि जाया देरहानानै बिमुंनि फार्सें आगान होनो

नाजागोन। मख'नाय जायोदि, बेनि सिगां आसामनि आइजोफोरनि नेटबल हान्जाया बे बादायलायनायाव ब्रन्ज मेडेलजोंनो गोजोनादों। बेबादि थासारिआव हौवाफोरनि हान्जायाबो देरहानो नाजागोन।

## यशस्वी जयसवालआ सेम्पियन्स टूफीनिफ्राय जानगारआव

गोदान दिल्ली, 13 फेब्रुवारी: भारतनि क्रिकेट हान्जाया नख'रारि फोथारआव इलेन्डनि हेंथायै खेबथाम मेचनि वन्डे सिरिजअक्व क्लीनस्विप खालामखानायनि उनाव फेगौ 19 फेब्रुवारीनिफ्राय जागायनो गोनां सेम्पियन्स टूफीआव बाहागो लानो दुबाइसिम दावबायनो थियारि जाबाय।

भारतनि बेनि थाखाय फोसावनाय स्कवाडआव मोननै सोलायनाय लाबोदों। जेराव जोखोम जानाय जशप्रीट भुमरहनि जायगायाव हर्षित रानाखौ जायगा होदों आरो स्पीनार बरुन चक्र बर्तीखौ यशस्वी जयसवालनि जायगायाव हान्जाजों सरजाबदों। जयसवालनि बे टूफीनिफ्राय

जायगायाव हावनाय नुनो मोनो हागौ। बिसिसिआइनिफ्राय सेम्पियन्स टूफी 2025 नि थाखाय भारतनि स्कवाडआव सोलायनाय फोसावनाय उनाव ट्रेभेलिं



रिजाभनि थाखाय लाखिनाय साथाम गेलेगिरिफोरखौबो दुबाइसिम दैथायहरनो थिरंथा लादों। बेबादि थासारिआव जयसवालआ रन्जि टूफीआव मुम्बाइनि थाखाय सेमिफाइनल गेलेनो हागौ। जेराव बे हान्जाया क्वार्टर फाइनलाव हरियानाखौ 152 रानजों फेजेन्नानै सेमिफाइनलाव जायगा आवग्रिदों।

जायगा आवग्रिदों।